



Mag. St. Dr.

910325-
-910326 I

THESAURUS

indeficiens.

S I V E :

A C T U S VIRTUTUM

interni,

*Ad veram Perfectionem, &
perfectum orationis Donum
consequendum,*

viam commonstrantes :

Ex Italico

A. R. P. BLASII PALMÆ
Clerici Regularis Congregationis
Sancti Pauli.

Quibus accessere
**Affectus erga Dominum
J E S U M**

F R A N C I S C I B O U R G O I N E I
Cum Licentia Superiorum

P R A G Æ, Typis Universi: Carolo Ferdinandi Coll:
Soc: IESV, ad S. Clementem Anno 1683.

Ascendam in
PALMAM,
& apprehendam fru-
etus ejus

Cant. 7. v. 8.



9103267



REVERENDISSIMO
PERILLVSTRI
ET AMPLISSIMO DOMINO
D. HYACINTHO
HOHMAN:
Sacri & Canonici Ordinis
Præmonstratensium
PRÆLATO:
Regij Monasterij
Pragæ in Monte SION
vulgò Strahoff,
ABBATI.
Ejusdémque sacri Ordinis
in Regno Bohemæ,
& ejusdem incorporatis Provincijs
VICARIO GENERALI,
VISITATORI
ac
perpetuo:

Sac:

SAC: CÆS: MAESTATIS
CONSILIARIO, &c. &c.
Cum SSS. Tribus Regibus,
HUMANO DEO
Thesauros suos aperientibus,
Hunc
Indeficientem Affectuum
T H E S A U R U M;
ET PACTA
HAGIOPHILÆ
Cum Filio DEI incarnato;
Affectu submississimo
I N S T R E N A M
D. DD. Cq;.

Obsequendi Studiofissima

Typographia Academica
Collegij Soc: IESV ad
S. Clementem.

PRÆ-



PRÆFATIO

AD LECTOREM.

Homo Christianus, ex voca-
tione sua debet semper qua-
rere conjunctionem, cum
ultimo suo fine, qui est DE-
US, & ei, quantum potest, unire animam
suam. Ad hoc faciendum, ut S. Dionysius
Areopagita dicit, compendiosus, & facilli-
mus modus, ac via est, si anima fidelis con-
tinuè, per inflammatas astirationes, & fre-
quentes amoris actus, affectus, ac desideria,
assurgat in DEUM ; interno affectu ad i-
psum aspirando, cum ipso colloquendo, tra-
etando : & ei denique corde puro, & in-
flammato, desideret inharrere. Hac, eodem
Doctore, est admirabilis illa, & occulta Sa-
pientia Unitiva, quæ sine prævia meditati-
one, & investigatione omni, transit affectum
amantis sursum, in DEUM ; crescitque

extensione affectus in illum ; sese excercens
brevi, crebra, & ardente oratione, actusq;
virtutum : ita ut dicere possimus, funda-
mentum perfectionis omnis, præsertim in-
terna, contineri certis quibusdam actibus,
& motibus animi, erga DEUM & proxii-
mum ; quos hic per modum orationum pro-
posui. Ubi tamen cavendum est, ne, qui
illas usurpat, ullum votum, aut promissio-
nem facere intendat, qua vim habeat obli-
gandi sub novo præcepto ; sed tantum per
modum libera oblationis, & devotionis eos
actus exerceat : certus, quo sepius id est fa-
cturus, tanto se majus lucrum inde captu-
rum ; cum spe non vana, brevi exsolvendi
se omni amore terreno ; & uniendi se to-
tum ei, qui solus summus, & verè bonus
est, D E O.

Quod ut rectius fiat, ipsis actibus
præmissi protestationem, quâ anima, coram
D E O concipit rectam intentionem, & Vo-
luntatem confirmat, ut, spretis omni-
bus alijs, quarat solius D E I
gloriam, & obsequium.



SYLLABUS

*Sanctorum Affectionum
hōc Libello contentorum.*

Affectus Adorationis	-	Fol:	-	5.
Agnitionis sui ipsius	-	-	-	45.
Amoris DEI & proximi	-	-	-	7.
Aspirationis ad DEUM	-	-	-	42.
Castimoniae	-	-	-	37.
Compassivae charitatis	-	-	-	45.
Complacentiae in bono proximi	-	-	-	43.
Compunctionis, & odij pec:	-	-	-	28.
Delectationis in DEO	-	-	-	20.
Fœderis cum DEO initi	-	-	-	71.
Fidei divinæ	-	-	-	3.
Fiduciæ in DEUM	-	-	-	18.
Gaudij spiritualis	-	-	-	47.
Gratiarum actionis	-	-	-	12.
Gratulationis	-	-	-	10.
Humilitatis	-	-	-	25.
Laudationis	-	-	10. &	47.
Mortificationis	-	-	-	37.
Obedientiae	-	-	-	40.

Oblationis sui	-	-	-	14.
Paupertatis Evangelicæ	-	-	-	39.
Petitionis	-	-	-	33.
Propositi boni	-	-	-	31.
Resignationis	-	-	-	16.
Spei & confidentiæ	-	-	-	18.
Timoris DEI	-	-	-	24.
Zeli divini honoris	-	-	-	24.
Zeli animarum	-	-	-	ibid.


*Actus præterea diversarum
Virtutum*

*Ex consideratione DEI, ejusque
Attributorum: videlicet,*

DIVINÆ ESSENTIÆ, Fol.	-	50.
Benignitatis fol.	60.	Potentiaæ 53.
Bonitatis	-	56. Providentiaæ 63.
Justitiæ	-	68. Sanctitatis 58.
Misericordiaæ	-	65. Sapientiaæ 54.
DEIq;, tanquam ultimi finis nostri		69.



PURA



PURA INTENTIO,

sen

Protestatio, operandi pu-
rè pro DEO, sînè omni com-
modo amoris, aut obse-
quij.

Omne, quodcunque facitis , in verbo ,
aut in opere , omnia in Nomine Do-
mini Nostri IESV Christi , facite .
Coloss. 3.

O Sanctissima , & Individua Trinitas , Pa-
ter , Filius , & Spiritus sanctus , ego mi-
sera , & miserabilis creatura tua , firmo
& constanti proposito , projicio me hodie to-
tum in sanctissimam & justissimam tuam vo-
luntatem ; & abnegando me ipsum , pleno cor-
de dico , & protestor . quòd totus velim esse
tuus ; ut nec habeam quidquam , nec habere
velim unquam aliud , quàm te solum amare
simpliciter ac purè , sînè meo commodo . Et

A

sir-

Pura

2
firmiter nunc propono, deinceps tuæ Majestati supremæ servire, & eandem amare, non tantum ut effugiam poenas, aut carcerem infernum evitem; neque ut mihi des consolaciones, aut beatitudinem in altera, aut aliud quidquam desiderabile in hac vita: sed præcipue, ut quæram te solum, velim te solum, amem te solum, tûque solus mihi sufficias, qui es verum, unicumque complémentum omnium. Unde me tibi soli dono, & dedico in æternum; & firmissime propono, toto meo corde, & tota anima mea te amare, tibique servire supradicta intentione, etiam si viverem saeculis infinitis. Atque sic protestor, sic statuo, sic volo.

II. Si dare vis mihi dulcedines & consolationes, sis benedictus: facies enim tanquam benignus & amabilis Deus, qualis fuisti semper, es, & eris: & ego vicissim ago gratias infinitas, sicut etiam, si illas mihi dare non velis. Contra, si immittere vis mihi poenas & vexationes, iterum bene tibi dico, & infinitas gratias ago.

III. In hujus propositi confirmationem, nunc testem appello Beatissimam Virginem Mariam, Reginam cœlorum, cum omnibus Angelis & Sanctis, in cœlo degentibus: quos omnes rogo, ut intercedant pro me apud tuam Divinam Majestatem; quo meum hoc proposatum te solum pure in omnibus, & nihil aliud quærendi, crescat, & impleatur. Quare ô misericordissime Domine, ad te iterum me converte.

VIII

Intentio.

3

verto, & obsecro, ut digneris acceptare meum istud propositum, & dare vites, quibus valeam illud implere; quia sine te prorsus nihil possum. Et quia me talem agnosco; ideo ad te recurro, me tibi commendo; totum committo, & in visceribus misericordiae tuæ abscondo. Suscipe me igitur, Deus meus; amplectere me, spes mea: immuta, & transforma me in te, per omnia, ô dulcissime Pater.

IV. Hac ipsa intentione & fine, statuo me exercere in infra scriptis exercitijs, & actibus virtuosis: quos si interdumi ore, & opere explicare satis non potero, nihilominus intendo, & nunc propono, corde implere, omni momento temporis, & semper; maximè in horâ mortis, affectu maximo & excellentissimo; quo per me, vel aliam quamcunque creaturam fiunt, ac tu ipse scis fieri posse. Et nunc illos omnes tibi offero, perinde ac si eos ipse elicerem: simûlque toto corde te rogo, per infinitam tuam bonitatem, & misericordiam, ut eos acceptare digneris, Amen.

Actus Fidei.

Sine fide impossibile est placere DEO.

Hebr. II.

1. *Fides tanquam fundamentum reliquarum virtutum, primum inter virtutes Theologicas locum obtinet: & est habitus intellegens, à Deo infusus, quo fidelis illustratus.*

affentitur, atque adhæret ijs, quæ ab ipso Deo, per Ecclesiā revelata, & proposita sunt. Quod cum ita sit, amplector ego nanc, ô fidelissime, verissime Deus, firmissima & prima Veritas, toto animo, fundamentum hoc fidei: ideoque humillimè in terram prostratus adoro, & veneror te, in cœlo & in terra; & optimo excellentissimōque modo, quo possum, firmissimè profiteor; & ex unuc, & in perpetuum, corde, & ore, omnia credo, quæ dixisti, revelasti, & proposuisti credenda; mediantē sancta Ecclesia; præsertim ea, quæ continentur in Symbolo Apostolico: affirmans omnia certissima esse, ut nihil omnino de ipsius possit in dubium revocari,

II. Ideo coram tua divina Majestate, & tota curia cœlesti confiteor, & firmissimè protestor, velle me vivere, & mori, in hac veritate. Cupere etiam, ut universus mundus firmissimā fidem cognosceret, & confiteretur; & summopere doleo, quod te non credit, adoret, veneretur, sicut oportet.

III. Quare obsecro te per sanguinem, vitam, & mortem Domini mei Jesu Christi; per merita sanctissimæ ejus Matris, & intercessionem Sanctorum Apostolorum, Discipulorum, Martyrum, Confessorum, & aliorum Sanctorum & Electorum tuorum, velis in me & omnibus hominibus, sanctum istud lumen fidei augere, & in infidelibus illud accendere: ut eò magis omnes te cognoscant, confiteantur,

adorent, juxta desiderium Sancti tui Prophete, cum quo exclamo: *Confiteantur tibi populi DEVS, confiteantur tibi populi omnes: omnis terra adoret te, & psallat tibi.* *Si opus fuerit,*

IV. *Offero Augvinem pro hac fidei veritate, & confessione. Atque utinam, ô Sanctissima Trinitas, Pater, Filius, & Spiritus sancte, tibi placaret dare mihi gratiam Martyrij, pro eadem obeundi: ego me non modò promptissime. cum gratia tua, offerem ad omnia aspera, sed etiam pro maximo beneficio reputarem, si multa crudelia, pro tuæ veritatis amore possem perpeti. Exaudi me dulcissime JESU.*

A^ctus Adorationis, ad SSS. TRINITATEM.

Dominum D E V M tuum adorabis.

Lucas 4.

I. *D*EUS infinitæ Majestatis, & magnitudinis, Pater, Filius, & Spiritus sanctus. Si cultus Iatriæ, qui tibi soli Deo debetur, est actus internus simul ac externus, quo rationalis creatura te colit, humiliando se, animo te adorandi, & profitendi te Deum; ecce ego, omni illa, qua possum, submissione, & humilitate, positus coram tua divina Majestate, Deus meus, agnosco me creaturam, & opus

A

ma-

Actus

manuum tuarum , à te per omnia dependens ;
té universorum absolutum Dominum ; dignissimum , qui pro tali ab omnibus honoreris , &
prostratus ; infima cordiali submissione humili-
adoro , adoratione latræ ; & ~~in statu iestati in-~~
~~infinitum me submitto , omnemque reveren-~~
~~tiam , & honorem , quem possum , exhibeo.~~

II. Contentus etiam sum , imò conten-
tissimus , nihil esse , ac posse , nisi à te prove-
niat ; imò nolle esse , nec aliquid posse , ni-
si dependenter à te.

III. Ideo invito , & invoco Sanctissimam
Virginem , beatos Spiritus , & totam curiam
coelestem ; imò creaturas universas , ut mecum
adorent , venerentur , & agnoscant tantam
Majestatem ; & jam nunc cum illis , te adoro
& agnosco ; imò isto meo actu omnes alias
adoratores , alios cultus , quibus haec tenus af-
fectus es , & quibus affici te conveniebat ; o-
mnes , inquam , eos cultus uno fasciculo com-
prehensos , & colligatos , tibi offero , & dedico.

IV. Tandem , ô Deus meus , consecro tibi
omnia , quia es absolutus Dominus universo-
rum ; singulariter autem omnes meas cogita-
tiones , verba , & opera tam interna , quam ex-
terna tibi offero , & consecro ; illud unum sup-
plicans , ut in me perfectissime impleatur ama-

bilis tua voluntas , quam me creasti & voca-
sti ad tibi serviendum , Amen.

Actus

Actus amoris erga DE- UM, & proximum.

*Diliges Dominum Deum tuum ex to-
to corde tuo. Luke 10.*

I. **A**MOR TUUS DOMINE, TANTAE EST NOBILITATIS
& EXCELLENTIAE, UT OMNES BEATI, & O-
MNES RES CREATAE, QUÆQUE CREARI POSSUNT, PRÆ-
STANTIUS NIHIL UNQUAM POSSINT AGERE, QUAM UT
TE DILIGANT. ET QUIA ACTUS AMORIS EST, BENE VEL-
LE REI AMATAE, & GAUDERE DE BONO, QUOD HABET;
EIQUE OPTARE, QUOD NON HABET: HINC EST, UT &
EGO DESIDERANS EXERCERE HUNC EXCELLENTISSIMUM
ACTUM, AMOROSISSIME, AMABILISSIME DEUS AC
DOMINE, SUMMÆ GAUDEAM, MIHI COMPLACEAM,
TIBIQUE CONGRATULER, DE TUIS INFINITIS PERFECTIONI-
BUS & ATTRIBUTIS, QUOD SOLUS TU SIS, QUI ES
& SUMMUM BONUM; SISQUE DEUS INSCRUTABI-
LIS & IMMENSUS, QUI COMPREHENDI NON POSSIS,
NEQUE SATIS AB ULLA CREATORA COGNOSCIS. —

II. GRATULOR TIBI TANTAM TUAM SUPER NOS
& SUPER OMNIA POTES TATEM, GLORIAM, DOMINA-
TIONEM, IMPERIUM; & QUOD HÆC HABEAS A TE
IPSO. PROFECTO DOMINE SI PER IMPOSSIBILE, ALI-
QUID EGO POSSIDEREM, QUO TU CARERES, ILLUD O-
MNE TIBI LIBENTISSIME CEDEREM, & TRIBUEREM:
IMÒ SI POSSEM ESSE DEUS, NOLLEM, TANTUM I-
DEO, UT TU SOLUS ESSES.

III. OPTO QUOQUE, & EX INTIMO CORDIS

? Adus

mei desiderio desidero , ut omnes creaturæ ,
quæ sunt in cœlo & super terram & omne quod
est , invenitur , & inveniri potest , & quodcun-
que esse , à tuo esse dimanat , honorem tibi ex-
hiberet & obsequia : te laudarent , magnifica-
rent , amarent omnes , inducti sola tua infini-
ta bonitate & excellentia tuæ Majestatis : quia
tu solus es omni amore dignissimus . Sed &
maximo gaudio me afficit , quod quicquid
creatüræ præstare conantur tui amore , id
omne longè sit impar tuæ dignitati , & ma-
gnitudini .

IV. Et quia tu ex te ipso summae es ama-
bilis , toto pectore desidero te amare , illa per-
fectione , quâ te amârunt , amant , & in æter-
num amaturi sunt omnes Beati . Et hac ea-
dem affectione cordis offero tibi illum splen-
dorem , florémque charitatis , quâ tu te ipsum
amas , amâsti , & in æternum es amaturus .

V. Superabundo gaudiō , & infinitas tibi
gratias ago , quod tu ipsem et meum & omni-
um creaturarum officium suppleas , in aman-
do te ipso . Et hunc ipsum amorem tui ipsius ,
offero tibi , in gratiarum actionem , pro omni
gloria , honore , beatitudine , qua frueris una
cum omni illa gloria , honore , laude , quam
unanimi consensu omnes beati Spiritus , & o-
mnes justi hujus mundi tibi deferunt . Et ia-
summa ; tuum esse , tuam gloriam , & omne
uum bonum in te ipso cupio , & propter te-
ipsum .

VI. Et

Amoris.

VI. Et hoc tibi de me certum esse velim,
O dulcis amor meus, quod tam firma tamque
constantia voluntate statuerim te diligere, ut e-
tiam si mihi nihil unquam, neque in hac, neq;
in altera vita boni velles cōferre; immo, si in hac
vita omnibus ærumnis, & in altera supplicijs
æternis me afficeres, nihil ominus tamen ama-
re te velim, & ex intimis medullis cordis mei
tibi servire; ne ad momentum quidem, tuā
me gratiā adjuvante, ab amore tuo desistens,
aut quidquam remittens. Quod ut clementif-
simè confirmare, & acceptare digneris, hu-
millimè peto.

VII. Quando verò, purissimè Domine,
præcipis mihi, ut amem etiam proximum me-
um, pro tam dulci præcepto tibi gratias ago;
& ideo, quantum possum, impello volunta-
tem meam, ad ipsum amandum. Cupio i-
psum amare, precorque ipsi à te omne bo-
num, quo felicior tibiq; gravior fiat: maximè
N. N. à quibus rebellis mea voluntas non nihil
abhorret. Rogo, dimitte illis omnia sua pec-
cata; & concede, ut artipiant remedia neces-
saria ad vitam æternam consequendam; quod
si noveris expedire, ut ego caream aliquo do-
no tuo, quod ipsis attribuas; Ecce Domine
Deus meus, nihil detrecto. Magna me volu-
ptate perfundit amor, quo illos prosequeris
& perfectio, quā illos exornas: pro qua gra-
tias tibi maximas habeo.

VIII. Quod si te permittente, continget

Actus

me ab aliquo offendī & vexari , nihilominus
jam nunc te obsecro , priusquam illud eveniat,
ut velis ipsi dare vitam æternam & hoc , quia
tu ipsum amas , egóque desidero tibi in omni-
bus conformari , ut nihil unquam velim , ni-
si quod vis tu ipse , Dominus meus , & DEUS
meus , Amen.

**Actus Laudis & Gratua-
tionis.**

Laudate Dominum omnes Gentes.

Psal. 116.

1. **A**lus , quæ tibi Deus meus , exhibetur ,
quantum colligo ex tua divina Scriptura ,
consistit in omni actu virtutis , qui vel corde ,
vel ore fiat , vel externo quopiam signo ad ma-
nifestandam excellentiam divinæ tue virtutis .
Congratulatio est actus gaudij , quo affici-
musr de bono alterius , quod jam consecutus
est , ac possidet .

Velim ergo nunc , aspirante gratia tua ,
elicere hos actus , & cor meum excitare , di-
cendo affectu intimo animæ meæ : Laudabi-
lissime Deus , & Dominus meus , cum jubilo
cordis mei principio , proclamo , commemo-
ro , totique mundo patefacio , quantum scio
& possum , inæstimabilem magnitudinem ,
excellentiam & magnificentiam tuam ; ut sis
infinitus , & immeatus ; ut immutabilis & æter-
nus;

Laudis.

nus; ut potentissimus, sapientissimus, optimus, sanctissimus, & infinitæ perfectionis, Creator cœli & terræ, primum principium, & ultimus finis omnium rerum; qui omnia summâ providentiâ regis & gubernas. Horum omnium causâ gaudeo, & gratulor tibi.

II. Et ideo nunc ego magno applausu, & zoto pectore te laudo, exalto, magnifico, veneror: atque utinam hoc possim absque cessatione præstare, semper & in omni loco terrarum tantum, quantum te exaltant, magnificant, honorant, honorabunt, honorârunt, & honorare potuerunt simul omnes creaturæ, & omnes qui fuerunt, sunt, & futuri sunt.

III. Imò cupio tribuere tibi omnes illas laudes, quas potuissent, possunt, & poterunt dare Beata Virgo, sanctissima Humanitas Christi; & tantum, quantum possunt dare infiniti Mundi, & infinitæ creaturæ, tam visibles, quam invisibles, quas omnipotens manus tua creare potest. Et tantas laudes, tantos honores desidero tibi exhibere, quantos nō stisi fieri posse, & quibus es dignus. Quia verò me deficit facultas illud præstandi, opto saltèm, tribuere omnes illos honores & laudes, quas cum tuo sancto auxilio referre possum, & quantis tu te ipsum amoris amas: quibus nunc istum, qualemcunque meum affectum laudis, velut exilem appendicem ad uogo.

IV. Congratulor autem tibi, condelegtor, & lator, quod tu Deus meus sis tam ma-

gnus, tamque laudabilis, ut neque vires omnis
creatüræ, in terra & in cœlo, sufficient ad te
digne laudandum, & magnificandum: & gau-
deo te ipsum, laudabilissime Domine, id, in
supplementum illarum omnium, abunde
præstare.

Gratiarum actio.

In omnibus gratias agite. I. Thess. 5.

I. **Q**uia gratiarum actio, est manifesta con-
fessio accepti beneficij tendens in bene-
factorem, in signum compensationis: Ego
nunc liberalissime Deus me⁹, agnosco te omni-
potentissimum, misericordissimum, à quo o-
mne bonum procedit; & confiteor à te mihi
provenisse innumera beneficia, & singularissi-
ma dona ab instanti conceptionis meæ, usque
ad præsentem diem; qualia sunt Creatio, Re-
demptio, Vocatio, Donatio S. Spiritus, Con-
servatio, & infinita alia ab ipsis profluentia: li-
cet eis fuerim indignissimus: maximè verò be-
neficio NN. pro quo nunc & pro omnibus a-
lijs, tota contentione cordis mei, totisque vi-
ribus, infinitas tibi gratias ago, sicut infinitus
est amor tuus, & charitas tua, quâ illa mihi
largitus es.

II. Agnosce itaque me tibi obligatissi-
mum, ô Bonitas infinita, & nesciens, neque
valens referre tibi gratias, quantas deberem &

cuperem, invoco Iesum Christum, Beatam Virginem & omnes creaturas, tam visibiles, quam invisibles, ad agendas tibi pro me gratias: & illas, quas ipsae quoque gratitudinis genere, modoque tibi, reddiderunt, redundunt, & in æternum reddituræ sunt, ego illas pro me nunc omnes tibi offero; & unâ cum illis eodem affectu, recognitione & gratiarum actione, tibi gratias ago.

III. Neque hoc eò facio, quasi mea si-
ista bona, sed quia tua sunt. Ego enim prom-
ptus & paratus sum illis privari, quotiescumque illa repetere tibi placuerit; & oro, ut idipsum facias re ipsa, quotiescumque judicaveris cessurum ad majorem tuam gloriam.

IV. Ago etiam gratias divinæ Majestati
tuæ, quod sis, qui es, & pro omnibus bonis,
quæ possides. Præterea in gratiarum actio-
nem & gratitudinem pro omnibus donis & be-
neficijs concessis, & concedendis mihi & alijs
omnibus creaturis, quæ sunt, fuerunt, vel e-
runt; specialiter pro his, quæ copiosissimè lar-
gitus es hucusque sanctis Angelis, & homini-
bus, Beatissimæ Virgini, Sacrosanctæ Hu-
manitati Filij tui Domini nostri, eo, quo ma-
xime delectaris, ritu, modoque, offero tibi
Deus te ipsum; qui es complementum & per-
fectio omnium.

V. Neque his contentus, in signum grati-
tudinis, ex isto momento me ipsum tibi dedico,
dono, trado; cum desiderio & voluntate tibi

fideliter serviendi , & cordialiter æternū te
amandi: humillimè rogās, ut hoc, quale quale
mūnusculum, undequaque tua Majestate indi-
gnūm , etiam antē mille nominibus tuum ; ac-
ceptare digneris , Amen.

Actus oblationis.

*Sacrificium Sanctificationis offeres Do-
mino. Eccles. 7.*

I **O**Dignissime Domine Deus meus , Pater,
Fili , & Spiritus sancte , agnosco me per
omnia tuum : cùm quia me creāsti , tūm quia
me redemisti ; ut omittam innumera alia be-
neficia mihi præstata : pro quibus si millies me
tibi singulis horis impenderem , nihilominus
infinitè tibi obstrictus manerem ac debitor.
Quare ego iam talis , qualis sum , liberè & ma-
ximā , quā possum efficaciā , me tibi consecro ,
offerō , & per omnia dono in plenissimum ho-
locaustum , animæ , & corporis mei ; & o-
mnium quæ habeo , vel unquam possum ac-
quirere. Hoc autem facere cupio , eo modo ,
quo tu desideras , & quo maximè deeet , ut me
tibi offeram & consecrem. Ac proinde liben-
tissimè & liberalissimè submitto me sanctissimis
tuis præceptis & nutibus in perpetuum. Et
quia ego jā tot⁹ tu⁹ sum , rogo ita me possideas ,
ut nunquam ipse mihi amplius restituar , aut
mei juris efficiar ; sed ut omne meum velle , fa-

cere, & dicere, non sit aliud, quam quod voluntas tua sanctissima & rectissima, vult me velle, facere, dicere: & meum non velle, non facere, non dicere, sit itidem tuum non velle, tuum non facere, tuum non dicere; siatque pura solum, quando, quomodo, quantum tibi, dignissime Domine, placet a me fieri & non aliter.

II. Præterea offero tibi omnes divitas, & bona spiritualia rerum omnium, cum creaturam, cum earum, quas habes in thesauris omnipotentiæ tuæ, ita ut si omnes meæ essent, liberalissime, vellem tibi illas reddere, vel saltè ad solum tum honorem & amorem expendere.

III. Offero tibi omnia bona spiritualia, cogitationes, verba & opera bona, quæ fecerunt, faciunt, facturi sunt omnes homines, qui fuerunt, sunt, & futuri sunt unquam in hoc mundo: immo omes istas cogitationes, verba, & actiones bonas, quas possent facere infiniti homines, quantoque creari possunt a tua omnipotentia; ita ut, si possem, ex amore tui eadem facere vellem illâ efficaciâ, quâ tu scis maxima fieri posse; & illo modo, qui esset Majestati tuæ gratissimus.

IV. Offero quoque tibi omnes penas, dolores, martyria, & omnia mala penosa animæ & corporis, quæ passi sunt, patiuntur, & passuri sunt omnes homines sive in mundo, sive in purgatorio, sive in inferno, in satisfactionem.

ctionem justitiae tuæ , & augmentum gloriæ tuæ ; & omnia , quæ scis ab omnibus tolerari posse , non solum in isto , sed etiam in centum millibus & infinitis mundis , purgatorijs , & flammis inferni : ita ut , si tibi placet cum gratia tua , omnia talia libenter propter amorem tuum , salutem meam , & proximi , vellem perpeti .

V. Præcipue tamen offero tibi pretiosum sanguinem , & infinita merita Domini mei Iesu Christi , cum meritis Beatae Virginis & omnium Sanctorum , & una cum illis omnia supradicta : sicut etiam omnes meas cogitationes , verba , opera , studia , occupationes , actus hodiernæ dici , & totius vitæ meæ .

Denique , desidero facere hanc oblationem illo cordis affectu , quo tu nōsti fieri posse flagrantissimo ; & toties , quoties suspirio , ut totus in æternum sim tuus , tibique additus . Amen .

Actus resignationis erga DEUM.

Omnem solicitudinem vestram projicientes in eum . 1. Petr. 5.

I. **M**ippiissime Domine , omni affectu cordis mei abnegato per omnia , per omnia tibi me totum resigno , & maximo , quo tu scis

scis

fieri posse, desiderio, & quantum per me fieri potest, desidero perfectissimè voluntatem meam in tuum divinum beneplacitum transfundere; in quo solo cupio mihi complacere, qui-escere, & in nulla re alia. Quare te rogo, ve- lis de me, meisque omnibus disponere, quo- modo, & quantum tibi placet, & videtur con- duccere ad majorem tuam gloriam. Et ita to- tus in te resignatus, offero me paratum ad ac- ceptandum à potentissima tua manu, quid- quid mihi acciderit in hac vita, sive illud pro- sperum, sive adversum fuerit.

II. Quare si vis me vivere, placet vivere; si vis me mori, contentus sum; si vis me sa- num, accepto sanitatem; si infirmum, infir- mitatem; si locupletem, divitias; si paupe- rem, paupertatem: si honorabilem, placet ho- nor; si inhonoratum, non abhorreo ab igno- minijs; si vis me habere consolationem, & illam volo; si desolationem, ea me non terret; si me vis esse in gratia apud homines, volo & ego; si vis in odio, pro inimicis orabo, & in perse- cutionibus te laudabo.

III. Et ideo nolo habere oculos, nisi ad te videndum; neque aures, nisi ad te audiendū; neque lingvam, nisi ad loquendum de te; neque cor, nisi ad te amandum; neque memoriā, nisi ad recordationem tuā dulce- dinis; neque intellectum, nisi ad agnitionem tuā Majestatis, neque manus, nisi ad tuum obsequium; neque pedes, nisi ad te invenien- dum:

dum: neque corpus, nisi tibi ad victimam,
neque vitam, nisi tibi in sacrificium.

IV. In summa, ita sine omni exceptio-
ne tuus esse volo, ut, me ipso exsoliato, &
omni mea proprietate exuto, sanctissimæ tuæ
voluntati (quandoquidem meam jam tibi do-
navi, & irrevocabiliter redono nunc & in per-
petuum) omnes meas cogitationes, verba &
opera, tam interna, quam externa, & omne
meum esse & posse, quæ gratiâ tuâ dignatus
es mihi largiri, permittam, resignem, trans-
scribam.

Neque volo quidquam velle, aut non
velle, nisi quomodo, quando, & quantum tu
vis; & non vis: ita ut tuum beneplacitum,
sit meum sumnum & ultimum desiderium,
jucunditas, consolatio, omni tempore & in o-
mni re. Quare piissime Domine, assiste mihi,
tuâ sanctâ gratiâ (sine qua scio me nihil pos-
se) ut omnia cedant in honorem & gloriam
tuâ, & perfectissimè impleatur sanctissima
tua voluntas, Amen.

Actus spei & confidentiæ in DEUM.

*Nolite amittere confidentiam vestram,
quæ magnam habet remuneratio-
nem. Heb. 10.*

I. **S**i spes est virtus menti nostræ à te, Deo
meo infusa, quâ certè beatitudinem, per
merita Iesu Christi Filij tui & Redemptoris
nostrî, per merita etiam nostra, gratiâ tuâ præ-
venta, sperare debemus; ego, Deus meus omni-
potens, totus inclinatus & prostratus, te ado-
& veneror: cui nihil impossibile & difficile
est, juxta ~~timum~~ illud de te scriptum: *A-*
può Deum non est impossibile omne verbum. Et
quia per eandem omnipotentiam tuam pro-
misisti mihi cœlestem patriam; ideoque etiam
me vocâsti, ut essem tui similis, ô Bonitas in-
finita, per auxilium tuum & bona opera, quæ
cum graria tua speciali statuo facere, spero
à te solo consequi desidero vitam æternam.

II. O verè omnipotens Deus, ecce ego
apertissimè cognosco, tantum bonum mihi
promissum, me possidere non posse, nisi te
mediante: réque desiderare & velle illud mihi
dare: ideo nimirum Filium tuum pro me in mor-
tem dedisti.

III. Gaudiô afficior & jubilo Christe mi-
Jesu bonitas infinita, quod per te solum pos-
sim beatus fieri, neque aliud nomen sub cœlo
datum sit nobis, per quod salvi siamus. Unde
non placeret mihi beatitudo, nisi per te illam
haberem: quandoquidem omnis spes mea &
fiducia in te est posita: cámque in te solo po-
sitam volo, benignissime & dulcissime Iesu.
summum & ultimum bonum meum.

Et hinc tanto jubilo, tanta consolatione
affi-

afficio, & tantâ fiduciâ, ut videar mihi jam possidere bonum, quod desidero: quandoquidem scio, quod Filius tuus unigenitus, per quem tantum bonum mihi vis dare, sit meus Redemptor & Advocatus.

IV. Quare Pater omnipotens toto corde firmissime spero, posse me à te, cùm sis ¹¹ talissimus, consequi & obtinere omnia mihi necessaria ad salutem consequendam.

Ac primò quidem veniam omnium meorum peccatorum, quantumvis multorum & enormium: tum etiam vires ad superandas omnes difficultates in hac vita occurrentes: ac tandem gratiam pervenienti ad fruendum perpetuò felicissimo tuo aspectu. Et quamquam cœlum, terra & omnes creaturæ contra me conjurarent, & ipse jam in portis inferorum consisterem, nihilominus benevolentissime Pater, semper in te sperare vellem & confidere, dicendo cum Propheta: In te Domine speravi; non confundar in eternum. In te Domine speravi; non infirmabor. Amen.

Delectatio de Deo.

*Delectare in Domino, & dabit tibi petitio-
nes cordis tui. Psal. 36.*

I. Si verum gaudium est delectatio ex illis rebus profecta, quæ tuæ sunt Deus meus; quia vera materia omnis gaudij est in te, & in

excellentia tua : maximas equidem jucundissime Domine , caulas habeo jubilandi & exultandi. Quandoquidē tu es Deus ille, qui EST ; nimirum infinita potentiae , sapientiae , bonitatis , pulchritudinis , misericordiae , justitiae , fidelitatis & innumerabilium aliorum attributorum , tanquam principium & finis omnis boni : cūmque tantus ac talis es , dignatus es eousque extollere naturam humanam , illāmque tibi unire , ut verè dicatur , Deum esse hominem , & hominem esse Deum : Deum quidem naturā , hominem verò dignatione & gratiā . Quin imò , præterea promisisti mihi etiam æternam felicitatem & beatitudinem : idque innumerabilibus testimonij ac signis , tam in antiquo , quām in novo testamento confirmâsti . O dignatio ! ô bonitas infinita Dei ac Domini nostri ! itaque avidè Domine mi desidero , & volo imposterum adjuvante gratia tua , omnem animi mei delectationem esse in te , ac de te solo , déque rebus , quæ tuæ sunt , méque ad te pelliciunt ; sicut de te bene dixit , qui dixit : Deus meus , & omnia . ! Tu solus es bonitas , Thesaurus , Paradisus creaturæ rationalis , in hoc & in altero mundo .

II. Contra verò fastidio , prorsusque averto hunc mundum & omnia , quæ illius sunt . Neque minus mihi molestum est ea videre , audire & cogitare , quām sordidissimam cloacam , cadaver putrefiens , ac stercora . Omnia enim præ te , Domine , arbitror , ut pandam menstruatæ ac stercora .

III.

III. Et cupio tuæ solius dulcedinis gustum habere , tantumque tuis è rebus gaudium capere , nauseam autem & horrorem ab omnibus rebus mundanis & quæcunque me à te avertunt. Ad hoc præstandum adjuva me Domine tuâ pietate , ut serviendo tibi cum gaudio & perfectione in hac vita , possim te cum Beatis videre & frui æternum in altera , Amen.

Zelus honoris DEI; & salutis Animarum.

Zelus domini tuae comedit me , & opprobria , exprobantum tibi , cederunt super me. Psal. 61.

I. Zeloſiſime Deus meus , qui gloriā tuā alteri non das , & omnes animas ſolos creāsti ; ideoque inter alia tua nomina , etiam Dominus Zelotes , & Deus amulatōr vocati voluisti ; doleo , & ſummē crucior nomine omnium illorum hominum , qui in ſuis operationibus , relinquentes verū & rectū finem , qui ſolus es tu , ſummum & unicum bonum , magis re ſ temporales & caducas hujus mundi querunt & amant , quam te ; & continue peccantes , tradunt ſe in potestatem Diaboli , crudelis iſorum inimici , id quod ſine magno mero & pœna cogitare & loqui nō poſsum.

II. Quare , Deus meus , ego vilissimus peccator

cator nullius pretij apud te, offero pro gloria
nominis tui, ac pro salute totius mundi, me-
rita omnium electorum. qui fuerunt, sunt &
futuri sunt usque ad finem mundi. Et si ego
solus ob amorem & honorem tuum sustinere
possem omnes pœnas, omnia tormenta, quæ
omnes servi tui passi sunt, modò per ejusmodi
perceptionem efficere possem, ut nullus un-
quam te amplius offendet, toto corde roga-
rem ac supplicarem tibi pro hac gratia. Qui
potius amore tui integrè (si ita tibi placet) ab-
dico me omnibus, si quæ fortè extant apud te,
meritis meis & bonis operibus : (si tamen un-
quam aliqua tibi verè grata præstiri) & offero
illa tibi æterno Patri, unita cum meritis Filij
tui pro conversione totius mundi ; ut sic ab o-
mnibus honoreris in terra, sicut in cælo. Et si
possent omnia flagella, quæ alijs debentur
propter sua peccata meo tergo imponi, ut i-
p̄is parceretur & meritum hujus mei suppli-
cij, in bonum ipsorum cederet, etiam hæc te
rogarem ; & si ita expedit, jam humiliter te
rogo ; at pro hoc qualicunque meo obsequio
des omnibus gratiam perfectissimè tibi servi-
endi ; itaque te amandi, ut nullus amplius te
offendat : sed perpetuò omnes te laudent ac be-
dicat non minus, quam faciunt tui Angeli,
& Sancti in cælo.

III. Præterea tanti facio honorem & glo-
riam tuam, ut eligam potius mandere æternū in-
ju inferno, & pati omnia tormenta, quam ut

tu , vel unico momento , priveris tuo honore:
 cùm tibi omnes honores debeatunt , mihi au-
 tem omnes pœnæ , anxietates , & dedecora :
 & ne defrauderis tuo debito honore , veniant
 obsecro super me omnia opprobria , anxie-
 tates & miseria . Et si hoc non sufficiat ad te ho-
 norandum , veniant super me omnia mala ani-
 mæ & corporis absque peccato : eaque talia
 & tanta , qualia & quanta , tu scis posse inve-
 niri , sive in inferno , sive in terreno hoc mun-
 do , sive in purgatorio ; & si qua fieri possunt
 ijs adhuc majora , gravioraque Sed tu inte-
 rim , ô Amor meus , ne obliviscaris mei , sed
 des mihi gratiam & fortitudinem ad sustinen-
 dum illa , sicut ego libenter pro amore , & ho-
 nore tuo , paratus sum illa acceptare .

Actus timoris DEI.

Beati omnes , qui timent Dominum :
Psalmo. 127.

I. **S**ummè timende & tremende Domine , si
 justus timor est anxietas quædam cordis ,
 quæ retrahit hominem ab illico usu membro-
 rum & sensuum exteriorum , internorumque
 affectuum ; ne anima , vel omnino , vel ex par-
 te à te , Deo meo , separetur , aut querat dele-
 stationem in aliqua creatura , atque ita refri-
 gescat ardor spiritus : ego nunc considerans
 infinitam Majestatem , & magnitudinem tuam ,

in cuius conspectu tremunt omnes spiritus, coelestes, terrestres & infernales: totus confusus ob meam monstruosam indignitatem, descendō in abyssum nihili mei; magnopere timens, ne te offendam; & separerā divina tua gratia: sicuti alijs multis evenit, eo quod in conspectu tuo recte non ambularent.

II. Itaque dum cogito solum, quod possum te offendere peccatis venialibus, ac mortali bus, horreo, & totis artibus meis contremisco; maximè quod agnoscam, me omnino debilem & imbecillem, & nihil posse sine gratia tua singulari.

III. Agnosco tamen etiam Domine, nunc timorem esse mihi valde necessarium, & utilē; & ideo instanter illum à te peto; ipsumque ut in me augere, & animæ meæ imprime re velis, rogo, dicendo cum Psalmista: *Confige timore tuo carnes meas, ac judiciis enim tuis timui.*

Aetus humilitatis, & cognitionis sui.

Qui se humiliat, exaltabitur, Luce cap. 14. vers. 18.

I.

SI humilitas est virtus, quæ reprimit appetitum, ne se immoderatè in altum extol-

B

lar,

lat , quomodo ego , vilissimus vermiculus ter-
ræ , cùm video te , Deus meus , amore mei hu-
miliatum ad patientiam ignominiosissimam
mortem ; quomodo , inquam , ego me audebo
extollere , & non potius infra terram abscondam ; cùm & me agnoscam tam superbum , &
ingratum , ut non credam inveniri aliquam
creaturam , quæ si à te habuisset tantam gra-
tiam , & tot beneficia , quot ego , non multò
majore fervore tibi , & spiritu , servijsset , quam
ego . Imò quia hac veritatem ex corde , &
sicuti est in reipsa , non agnosco , reputo me
superbissimum , & in veritate alijs omnibus vi-
liorem , propter meam hypocrisim & stultam
superbiæ ; tibi Deo meo , tam odiosam &
excrabilem .

II. Ac tantopere excœavit me ista mea
superbia , ut me ipsum non agnoscam , & non
videam , Domine , quod quantò plura dona à
te accipio , tanto majora sint mea peccata &
ingratitudo , tantoque stricior à me tibi red-
denda sit ratio . Ideo profectò ego sum vilior
peccator omnibus alijs ; & credo , neminem tam
longè unquam à te recessisse , quam ego rece-
ssi per mea flagitia ; iudò credo , si maximi qui-
que peccatores mundi habuissent talia auxilia ,
qualia ego à te accepi , majore festinatione ad
te redituros , ac forte semper , & majore su-
citatate cordis & affectu , te amaturos & hono-
raturos fuisse : sanè magis dolerent de suis pec-
catis , ac fidelius tibi servire inciperunt , quam
ego .

Humilitatis.

27

III. Obstupesco , Domine , quomodo sustinas conspectum meum , cùm sim creatura tibi tam ingrata . Et ideo protus indignum me reputo , ut tibi serviam , tūque exaudias orationes meas ; indignum omni gratiā & cœlestibus inspirationibus ; imò indignissimum , quia tam parum ad lucem tuam respicio : ideoque pridem fui promeritus , ut à te projiciar , & relinquar in tenebris & erroribus : indignus etiam , cùm sim tibi tam inobediens & refrætarius , qui habitem inter tuos fideles , & in domo servorum tuorum : à quibus , si pro meritis me tractare vellent , nihil aliud audire me oporteret , quam contumelias & convitia . Quin etiam amandari mie conveniret à consortio omnium hominum , ne forte putredo meorum abominabilium ulcerum , & vitiorum , quenquam illorum inficiat .

IV Velle etiam omnibus notam esse meam extreamam vilitatem & miseriam , ut omnes justa me abominatione detestarentur , ac zelo gloriae tuæ pro meritis exciperent .

V. Admirer , Domine , tuam erga me pietatem inæstimabilem , quâ me tolerâsti hucusque , neque ut summâ erga te ingratitudine promerebar , in profundissimos flammaturum puteos deturbâsti . Imò agnosco me solùm propter meam ingratitudinem , inter omnes alias creaturens indignum divinâ tuâ curâ , prvidentiâ & amore , quibus omnes alias creaturens prosequeris : & horresco intuens me ipsum ,

B 2^o

tan-

tanquam rem ultra, quam dici possit, sordidam,
odiosam & abominabilem : petoque a te, o
lux eterna, ut semper magis me ipsum agno-
scam, ne unquam super alios amplius pver-
se me extollam.

Ah Domine, ex insima abyssu miseriae
meæ clamo, & invoco abyssum misericordiaæ,
& pietatis tuæ ; dona mihi hanc gratiam.
Amen.

Actus compunctionis, & odij contra peccata.

Secundum multitudinem dolorum me-
orum in corde meo, consolationes
tuæ latificaverunt animam meam.

Psalmo 93.

I.

Contrito est, quâ quis ex animo, & su-
per omnia detestatur commissa peccata,
velut offendit Dei ; cum firmo proposi-
to confitendi, non amplius peccandi ; adjun-
cta spe venia. Quare, o Deus meus, & mi-
sericordia mea, ego verè contritus, flecto ge-
nua cordis mei, summoque cum dolore animi
humiliter me accuso, & coram divina Maje-
state tua meam culpam agnosco, confitendo o-
mnia peccata mea, & omnes abominationes,
commissas toto tempore vitæ meæ, in super-
bia,

bia , avaritia , luxuria , invidia , gula , ira , accidia , & in vitijs omnibus , quæ ab istis promanant; quia, proh dolor ! nimis inclinatus , & effusus fui in omnia . Cujus me summopere pœnitet , ac doleo peccâsse , non amore præmij justis promissi , quo dignus non sum , neque timore suppliciorum peccatoribus infligendorum , quibus undequaque sum dignissimus : sed ideo tantum , quia offendit te , Deus meus , qui ex te ipso summè es bonus , & adorandus ; immò ipsa charitas , ipsa bonitas , ipsa Majestas .

II. Et propter magnum amorem , quem tibi debeo , quémque erga te gero , Domine , odi , detestor , abominor peccatum , amorem proprium , inordinatum amorem creaturarum , & omne illud , quod me potest impedire , quod minus tibi appropinquem , & sancto tuo amori . Quidquid peccavi corpore , animâ , cogitatione , verbo & opere , sive ex fragilitate , sive ex ignorantia , sive ex malitia contra te , Deus meus , contra proximum , & me ipsum , quocumque modo ; toto corde , toto affectu , quo possum , dico meā culpam , meam maximam culpam : pœnitet me peccâsse , ac doleo , quod hâc horâ non sentiam tantum odium peccati , neque habeam tantum dolorem , & tantam detestationem præteriorum , neque tam firmum propositum cavendi futura peccata , quantum vellem & deberem habere , ut respondeat meis tantis abominationibus .

III. Idem te precor Deus meus , accepta

illud odium iusnitum , quo tu peccatum de-
testaris , in supplementum eius , quod ego ha-
bere deberem : & in vicem doloris , quo careo ,
offerо tibi , misericordissime æterne Pater , do-
lores Iesu Christi , Filij tui , & Redemptoris
mei , simul & sacrificium immaculatæ vitæ e-
jus : & sanctum fervorem ac zelum , qui illum
adduxit ad ignominiosissimam , & acerbissi-
mam mortem , ut peccatum destrueret .

IV Ah Iesu , mi clementissime , aby-
sus miserationum ! ad pedes misericordiarum
tuarum me postremo , obsecrans te per charita-
tem illam , quæ de cœlo te traxit in uterum
Virginis , velis mihi applicare merita amarissi-
mæ tuæ passionis , & pretiosissimi sanguinis ,
quem pro peccatoribus , quorum ego maximus
sum , effudisti ; & ita supplere omnes meos de-
fectus , & ignoscere mihi omnia vitia , pecca-
ta , negligentias , ingratitudines . Largire ,
quæso , ut omnia ista imposterum , longè a me
fiant : & quamvis ego naturâ non possim esse
impeccabilis , saltē , ô Bonitas infinita , fac
mihi hanc gratiam , ne unquam mortaliter pec-
cem . Sancte hoc est , quod etiam tu ipse vis ,
desideras , petis , & mandas : da quod jubes ,
& jube , quod vis . Deinde fac , Domine , ut
loco supradictorum vitiorum , in me impri-
mantur omnis generis sanctæ virtutes , quod
totum cedat tibi in gloriam , gratiarum actio-
nem , nunc & semper , & in sæcula sæculorum ,
Amen .

Actus

Actus boni propositi Iuravi, & statui custodire judicia ju- stitia tua. Psalmus 118.

I.

Mirabilissime, & potentissime Deus, quia illuminante gratiâ tuâ cognosco, quantopere sim obligatus ad bene operandum, & prosequendam virtutem: ad declinandum à malo, & fugiendum peccatum: ideo nunc omnino mihi diffisus, totûsque confisus & innixus sanctæ tuæ gratiæ, propono, & tota virtute liberi mei arbitrij, plenissimo, delibetatissimoque consensu statuo, nunquam amplius peccare; & potius nullies singulis horis profundere vitam, quam unquam graviter te Deus meus, offendere, aut tentare quidquam, facere, dicere, aut cogitare, quod sit contra tuum beneplacitum; sed ut basiliscum fugere omnem occasionem peccandi, & quidquid tibi displicet: quandoquidem ego volo, quæcunque tu vis, ac detestor, quæcunque tu detestaris. Et si forte, quod absit, continget, me committere, vel omittere quidpiam, contra tuum beneplacitum, id omne jam nunc protestor, non fore meæ voluntatis & mentis, sed malignæ suggestionis, & subiti motûs, huic meo decreto contrarij: tu Domine, fac, ut in eodem firmus persistam, & ut nullas ta-

Adus

32
les obreptiones admittens , omnium desideriorum & motuum meorum , gratia tua juvante , plenus sim dominus . Quapropter liberè nunc renuncio omni consensui , tuæ voluntati contrario . & absolutè , me abdico libertate arbitrij , quoties ad malum alliciar , & in periculo veritatem labor te offendendi , & in omni eo , quod tendit ad malum .

II. Præterea propono etiam imposternum observare perfectissimè omnia tua divina præcepta , & quæ tibi promisi in sancto Baptismo , aut alijs votis : & conabor , quantum per gratiam tuam potero , imitari sanctissimam tuam vitam , & procurare habitum omnium eorum virtutum , quæ tibi magis placent : & facere per omnia tuam rectissimam voluntatem ; & per omnia , pro viribus , opprimere meam , in mala propensam ; subiectando illam tui amore omnibus meis superioribus , æqualibus & inferioribus ; tandemque ingredi viam perfectionis , per illa media , quæ tu , Magister meus , in sancto Evangelio tuo , verbis & exemplis monstrasti .

III. Adjuva me igitur , Domine ; quia sine tuo auxilio singulari non valeo exequi , & implere bona ista mea proposita : da mihi vivam fidem , fortem & constantem animum : ut sicut tu peccare non potes per naturam , ita ego non possim per gratiam tuam .

IV. Denique rogo te , ut declarationem hanc meæ voluntatis , acceptare , & approbare

bare digneris tuo iudicio ; ut omnia sint , &
fiant ad gloriam & honorem tuum , salutem
animæ meæ , & proximi mei , & secundum
sanctissimam tuam voluntatem : cui , cum to-
to meo esse , quod mihi largitus es , me dedo ,
& consecro , Amen .

Actus Petitionis ad DEUM.

*Quodcunque petieritis Patrem in no-
mine meo , dabit vobis. Ioan. 15.*

I.

Benevolentissime DEUS , & Dominus
meus , quamvis ego sum tuus creatione ,
conservatione , redemptione , justificatio-
ne , speciali vocatione , & naturali conditione ;
magis tamen peculiarissima electione liberi
mei arbitrij cupio esse , & sum tuus : ideo nul-
lius alterius januam , pro gratia aliqua , præter
tuam , qui es fons & origo omnis boni , mihi
licet pulsare .

I. Neque aliud desiderare , petere aut
velle à te debeo , nisi illud unum , quod tibi
magis arridet , & majorem tuam gloriam con-
cernit : & si quando meam voluntatem alterius
cujuquam rei desiderio moveri contingat , il-
lud jam nunc abominor , detestor , & fieri no-
lo ; precorque divinam Majestatem tuam , ne

unquam in simili... me exaudias. Imò propter ea priimò & principaliter peto, & summā quā possum, contentione te rogo, ut perfectissima tua voluntas in me semper fiat; mea verò nullius sit efficaciam: ut adeò nihil proslus in me inveniatur, quod non sit tuum. Quia tamen voluntas mea proslus otiari non potest, opto, ut quocunque feratur, non sola feratur, Domine, sed semper conjuncta cum tua, quæ sola est sancta & recta. Ità cum gratia tua desero, ità apud me statuo: ità coram curia tua cœlesti protestor.

III. Quare, ô Domine, quotiescunque te aliquid peto, nihil intendo petere, nisi per Iesum Christum, filium tuum; associatis pariter sanctissimis ipsis, & meis qualibuscunque desiderijs. Itaque benigne Pater; si non mea, saltem gratiola desideria Filij tui merentur admitti. Sic exhibes justitiam ipsi, mihi misericordiam, tibi verò ipsi conciliashonorem & gloriam. Voluntas dulcissimi Filij tui, Deus meus, vult, desiderat, mandat, ut ego sim humilis, patiens, benignus, charitate repletus; cupid, ut vivam tibi, mihi moriar. Da, benevolē Pater Filio tuo, ut impleatur hoc desiderium ejus, tam pium sanctumque: sic enim satisfiet etiam tuo: & ipsi honor accedit, Spiritui sancto amor, & veneratio.

IV. Domine, quia ego nihil boni possum præstare, concede mihi hanc gratiam, ut ego te sicut facere, quæcumque volueris, &

ut meum facere , sit permittere tibi , ut agas in
mē id unum , quod maximē tibi placuerit.

Et ut in me nihil sit , quod tibi displiceat ,
exorna me sanctis virtutibus , dando mihi au-
gmentum Fidei , Spei , & Charitatis : humili-
tatem spiritūs , puritatem cordis , & omnes il-
las virtutes , dona , gratias , quas scis mihi esse
necessarias ; & quidquid de gratia tua in mea
sive anima , sive corpore desideras inveniri ;
quò melius tibi possim placere , dignius & fi-
delius deservire , & perfectius te adamare ; as-
similatus tibi ut homini , conjunctus ut Deo .
Rogo insuper , ut mihi des gratiam pervenien-
di ad eum gradum perfectionis , quem ab æter-
no desideras me consequi ; des etiā auxilia , me-
dia , ac dispositiones necessarias ad obtinen-
dum eunderi .

V. Præterea , tota contentione pectoris
mei , peto à te , veram contritionem , meorum
peccatorum , & remissionem illorum ; & ut im-
posterum permittas , me millies potius corpo-
raliter mori , quam ut vel semel moriar animâ .

Peto item , Deus meus , totis viribus &
affectibus animi mei , quos mihi per desideria
& merita Iesu Christi , Filij tui , largiri di-
gneris gratiam efficacem : & si forte nimis im-
portunus videor in petendo , ecce Domine ,
contentus ero unicâ solâ gratiâ , nimirum eâ ,
quâ respondeam semper gratijs tuis , & sim ta-
lis , qualem esse me desideras .

VI. Ità pius es , dulcissime Domine ; ità

ad regandum ipsa me excitar misericordia tua,
ut ego terra & cinis, petere audeam non solum
id quod habes ; sed illud etiam , qnod es ipse-
met , pero , infimus tuus cliens , eâ quâ pos-
sum demissione animi , te solo , uno & unico
perfrui, in te solo respirare & quiescere , & non
in aliquo tuo dono , quantumvis excellente ,
nobili , virtuoso , divino .

VII. Peto purissimam illuminationem
intellectus , ad tria præcipue cognoscenda. Pri-
mùm , ad cognoscendum perfectissimè bene-
placitum tuum , & faciendam integrè sanctissimam
voluntatē tuam. Deinde ad cognoscen-
dam propriam meam vilitatem , ingratitudi-
nem , & ad omne bonum indignitatem. De-
nique ad habendam perfectam notitiam omni-
um virtutum moralium , illásque consequen-
dās ; quò in me , Deus meus , amor tuus nu-
dus , purus ac sincerus excrescat.

VIII. Tandem rogo te , placeat tibi ac-
ceptare meas preces , non ut à me procedentes ,
sed velut à te inspiratas ; & illas conjungere
cum precibus Filij tui , Jesu Christi , sanctissi-
mæ Matris suæ , SS. Angelorum , Apostolo-
rum , Martyrum , Doctorum , Virginum ,
Confessorum , & utriusque Ecclesiæ , triun-
phantis ac militantis , ad obtinendas supradi-
etas gratias & sanctitates spirituales & corpo-
rales ; tam meas , quâm proximi : neque atten-
das , Domine , personam meam , sed illorum ,
quorum offero tibi merita , precésque , per JE-
SUM

sum Christum, Filium tuum, à quo derivatur, & provenit omne opus meritorium, & omnis bona voluntas. Quod totum cedat ad sempiternam gloriam & honorem amabilissimæ, adorandæ, gloriofissimæque Trinitatis. Amen.

A^ctus renunciandi voluntatibus, proservanda castitate.

Erunt sicut Angeli in cœlo, qui neque nubent, neque nubentur. Matth. 22.

I.

Purissime Domine, & legitime possessor cordium humanorum, tibi libentissime omnimodam possessionem, & directum dominium meorum omnium; renunciando omni affectui terreno, & sensuali delectationi; ita ut si ego possem frui omnibus voluptatibus, & delicijs sensus & carnis, quæ ab omnibus hominibus delibari ac percipi solent, quæque desiderantur; si que possem illis etiam sine peccato perfriui, nihilominus tamē liberaissima mente illis renunciarem, & resolutissimè illas refugarem: sicut nunc renuncio & refugio, quò tibi magis placeam, tibi purius vivam, & que tibi conformem.

II. Præterea non solum repudio quacunque delectationes carnis, sed etiam sensualitatis; ut sunt oculorum, ne aspiciant illa objecta, quæ oculis hominum videntur pulchra, delectabilia, & curiosa; aut etiam quamcunque rem creatam, quæ ipsos afficiat.

Sic etiam omnes alios meos sensus privo omni gusto & delectatione, quam à quacunque re creata possunt accipere; id quod toto corde desidero in me impleri, tantum ut tu magis oblecteris, tibique gravior fiam. Quia cum laqueos omnium illecebrarum abruperem, & meum cor ab omni gusto; & oblectatione humana purgavero ~~X~~ faciliter illud se tibi conformabit, & uniet cum tuo, mi dulcissime Iesu. Et sic potero felici tuo conspectu potiri, quemadmodum dixisti: *Beati mundo corde, quoniam ipsi Deum videbunt.* Extingve igitur in me, Domine, & extirpa radicitus funditusque omnem cupidinem carnis & sensuum.

III. Imò ut magis tibi placeam, serviam, & te purius amem, non solum repudio omnes supradictos gustus, voluptates, & delicias; sed etiam statuo ne illis quidem inhiare, quæ sunt spiritus, nisi quæ profundit ad excitandum in me fastidium sensualium, eoque perducunt, ut mea tota oblectatio, gustus & consolatio in te solo sit, & in beneplacito sanctissimæ tue voluntatis. Amen.

Actus renunciandi bonis
temporalibus, amore pau-
pertatis.

*Qui non renunciat omnibus, quæ pos-
sideret, non potest meus esse discipulus.*

Lucæ. 14.

I.

Rex Regum, & Dominus Dominantium,
Deus meus, superabundo consolatione,
& cor meum exultat gaudiō, quando co-
gito, te absolutum Dominum esse universo-
rum, & inter universa mei quoque, postremi
& minimi: ab alio, quam à te possideri nolo;
nec aliud ego possidere, aut habere volo pro
meo hono, & thesauro, quam te; ita ut si mihi
offerretur possessio, & dominium totius
mundi, cum omni sua opulentia, splendore,
potentia, ego promptissimè ipsi renunciarem,
sicut in præsens illi sponte, liberéque renun-
cio: neque illi solum, sed etiam omnibus alijs
rebus, quæ ab humano corde in hac vita deli-
derari possunt; atque hoc tui solius amore.

II. Et ne, cùm omnibus reuenciāro,
meum animum detineat aliqua de singulis,
profiteor Domine, quod si me nunc exui velis
amictu, quo tegor, & quo id animo ferrem;
ut

ut magis me tibi , qui nudus pro me in cruce
pependisti , conformem , & magis in mea nu-
ditate tibi placeam , Domine Jesu .

Si exturbarer & excluderer domo , quam
inhabito , tibique Domine magis placeret me
habitare cum feris in sylvis , aut in quocunque
alio loco vili morari , forem contentus .

III. Si quando privabor melioribus ci-
bis & fructibus terrae , & ad sustentationem
vitæ solùm panem durum , ac nigrum cum a-
qua habuero , contentus ero , & pro eo gratias
agam , quandoquidem & illo sum indignus
propter multiplicia mea peccata . Ah Domi-
ne ! impriime cordi meo hanc veritatem ; ad-
juva , & ne permittas me istis vanis bonis mun-
di , aut quacunque re creatâ , exquisitâ , pre-
ciosâ , vel tenuissimè affici ; sed totum meum
bonum , thesaurus & divitiæ meæ , in te sint ,
& cor meum in te solo acquiescat , Amen .

Actus renunciandi pro- priæ voluntati , ex virtute obedientiæ .

*Si quis vult venire post me , abneget
semetipsum , & tollat Crucem suam ,
& sequatur me . Luca 9.*

I.

Rector & primus motor universi , cui omnia
obe-

obedient, Deus infinitæ Majestatis, desiderio conflagro, quoties mecum ipse cogito (cogito autem sèpissime) quomodo possim tibi placere, & me per omnia beneplacito tuo conformare. Et propterea nunc ultiō & liberè, me totum tibi offero, & mancipo: peculiariter autem propriam meam voluntatem, cuius liberam possessionem tibi trado & resigno; quandoquidem aliud, præter hanc, in mea potestate non habeo. Hanc ergo per omnia, & in omnibus, cum plenissimo usu & exercitio sanctæ obedientiæ, sanctissimæ tuæ voluntati subjicio; renunciando planè firmâ resolutione, quantum possum, voluntati & libero meo arbitrio.

II. Tuaque gratiâ fretus, propono, semper tibi obedire in omni re, non facili magis, quam difficulti; amplectendo de novo, & acceptando libentissimè omnia sancta tua præcepta, & quantum ratio vocationis & officij mei patitur, etiani consilia: desiderans, ut illa sint perpetua regula ac lucerna pedibus meis, & lumen semitis meis: dulcia sint faucibus meis eloquia tua; adimpletio eorum super mel & favum. Voluntas tua sit corona capitis mei; & tanquam torques in collo meo, facere quæ tu, Deus meus, mandare nobis, & suade dignaris. Nolo proinde meam voluntatem, vel in minimo, unquam tibi esse rebellem, sed semper ad ungvem tuæ conformem; ita ut sola contraria cogitatio & motio, sit mihi dolori ac tormento.

III.

III. Subjicio etiam hanc meam voluntatem , tui amore , omnibus meis superioribus , in omnibus illis rebus , quæ sunt consentaneæ divinæ tuæ legi , aut ei non expresse contrariæ . Quantumvis autem ardua , molestaque mandaverint , nihilominus propono , cum tuo auxilio , promptè illa exequi .

IV. Ah Domine ! tolle , tolle tandem penitus à me propriam meam voluntatem ; nec sit amplius iactum , neque vestigium meæ voluntatis in me ; sed omnia mea tua sint : exure & redige illam , ardente & ignito tuo amore , in favillam ; ut ablato & consumpto malo , totus ego tandem bonus & gratus sim tibi . Amen .

Aspiratio mentis in Deum.

*Os meum aperui , & attraxi spiritum .
Psalmo 118.*

I.

Deus meus , propter immensum illum amorem , quo me prosequeris , fac obsecro , ut ego hic in terra tantum te amem , quantum debes amari .

II. Domine mi , Deus amoris , bonitas infinita , fac obsecro propter tuum ipsius amorem , ut sicut ego in te , & per te solum vivo , ita etiam

etiam meum viveve totum cedat in honorem
& gloriam tuam.

III. Pater misericordiarum, tales me
fac, qualem Filius tuus meretur, & Spiritus
sanctus me esse desiderat.

IV. Amare te volo, Domine, quia tuus
sum: mei vero ipsius curam habere non alia
de causa, quam quia tu id petis, & mandas.
Et ideo protestor, totam curam, quam habi-
turus sum de me, non futuram quasi de mea
re quapiam, sed quasi de tua.

V. Gratum hoc tibi sit, Deus meus; ad-
mitte, Pater mi, acceptum habe, Domine,
ob merita sanctissimi Filii tui, Redemptoris
mei Iesu. Amen.

*Aetus eliciendi, cum au-
dimus, vel videmus aliquod
bonum proximi.*

*Particeps ego sum omnium timentium
te, & custodientium mandata tua.*

Psalm. 118.

I.

Domine Deus meus, cum audio & vi-
deo proximum meum, & particula-
ter N. tibi servire, & boni aliquid face-
re, moliri; gaudeo, & multum in hoc mihi
com-

complaceo. Et bonum ipsius, reproto quasi proprium meum bonum; & tanquam meum illud tibi offero, dedico, cum omni illo bono, quod omnes Sancti peregerunt olim, & peragunt adhuc in universo mundo, ad æternam gloriam tuam, perinde ac si ipsemet ea fecisset, offero.

II. Ago tibi gratias, Domine, pro bonis inspirationibus & auxilijs, quæ tam huic personæ, quam omnibus alijs meis proximis tribuisti, & tibuis ad bene operandum, loquendum, & cogitandum; neque aliter de hoc tibi gratias ago, quam si tale beneficium proprie fuisse exhibitum animæ meæ.

III. Quin etiam insinuo, & immitto me in proprium cor ipsius, & omnium famulorum, & familiarum tuarum, ut simul cum eis ex corde perficiam omne illud, quod ipsi faciunt, & desiderant facere in sancto tuo servitio. Tu enim scis Domine, quod ego idem omnino vellem præstare, si tu à me idem peteres, ac donares idem agendi gratiam, vires, occasionem, facultatem aut mandatum. Nulla profectò me difficultate, vanoque timore ab illo præstanto finerem absterrei.

IV. Adauge vero, Domine, enixè rogo, in illo, bonum, gratiam, & merita, cum omni virute, quantum ipse, te inspirante, desiderat, aut te sciente, indiget; ut à quo tibi grata fiant obsequia, exhibeantur multò etiam gratiora, majorem in modum,

V.. Denique largire, quæso, Domine
mī, ut quisquis viderit tale bonum , pulchro
exemplo inflammatus paria meditetur , & in-
cipiat agere , secundūm dispositionem tuæ vo-
luntatis, ad majus tuum obsequium & glo-
riam , Amen.

Actus eliciendi, cùm au-
dimus, aut videmus aliquod
malum proximi.

*In quo judicio judicaveritis , judica-
bimini ; & in qua mensura mensi-
fueritis , remetietur vobis. Mat-
thæi 7. capite.*

I.

MI perfectissime Domine , cùm audio,
& video aliquod malum , maximè
spirituale , mei proximi , summopere
compatrior humanæ fragilitati , quamvis omni-
bus communis , & præcipue compatrior defectui
hujus N. Non credo tamen illud esse tantum
malum , quantum mihi videtur , vel esse dici-
tur : imò fortè nihil est , neque tale videtur lu-
cidissimo oculo tuo , quale nostro fallaci. Si
tamen , Domine scrutator cordium nostrorum
est culpa aliqua , magnopere dolco de lapsu fra-
tris mei , multò magis autem de tuâ offensâ.

II, Ego

II. Ego in vicem hujus defectus , & in compensationem tuæ offendæ , offero tibi pretiosum sanguinem Jesu Christi, Filij tui, tantopere humiliati propter peccata nostra : illius charitatem, mansuetudinem , silentium ac dissimulatione inter continuos nostros defectus.

III. Deinde ego id ipsum perpetravi, vel in alio simili te non minus offendì , pro dolor ! & gravius etiam te offenderem , nisi tua me gratia præservaret. Unde etiam toto corde gratias tibi ago pro auxilio , sine meis meritis mihi præstito.

IV. Optimè scio , Domine , te posse ex malo elicere bonum : placetque tibi illud efficeré ; alias malum non permitteres. Cedat ergo ad majorem tuam gloriam defectus iste , ad majorem verò humilitatem & cognitionem sui ipsius , qui peccavit.

V. Oro denique , occlude omnium oculos , ne indè sumant audaciam patrandi similia : liga lingvas morsu conscientiæ , ne de te illâ loquantur , neve ex minore delicto , quod per humanam infirmitatem admissum est , multa alia nascantur , per defectum charitatis , & improbitatem humanam ,

Amen.



Actus Charitatis , elici- endæ ex quacunque re creata, bona, malaque.

Diligentibus Deum omnia cooperantur
in bonum, Rom. 8.

I.

BEnignissime Domine , magnam capio
voluptatem , non solum ex omni illo a-
more , quo te prosequuntur omnes sancti
& justi , qui sunt in hac vita ; sed multo magis
illo , quo te longe sincerius complectuntur tum
illi , qui corpore liberati adhuc in aditu regni
coelestis commorantes , avidissime faciem tuam
expectant ; cum illi , qui in penetralia felicitatis
admissi , clarissimo tui conspectu fruuntur ,
homines & Angeli : ac præcipue illorum o-
mnium Regina Virgo , & SS. Humanitas Red-
emptoris nostri.

II. O si ego possem te amare omnibus
illis affectibus , quibus illi omnes te amant !
quam libenter & hilariter id præstarem ; sed
quia non possum , gaudeo saltē , ipsos , qui
meliū possunt , id facere : optoque ut semper
magis magisque id faciant , & in amore eodem
perseverent in æternum , secundum beneplaci-
tum tuum.

III. Ex

III. Ex altera parte, Domine, vehementer displaceat ac doleo, plurimos alios est servis tuis negligentius te amare; plerosque etiam, pro amore, tibi referre injurias. Obscro, Domine, pro infinita Bonitate tua, ignosce illis; & largire gratiam tuam, quam se emendent, & te vel jam incipient amare super omnia, & in omnibus exequi tuam sanctam voluntatem.

IV. Sed quid dicam de illis, qui a te ad imaginem, & similitudinem tuam formati, & innumerabilibus beneficijs donati, cum te, quem super omnia amare deberent, ne agnoscunt quidem, infideles & improbi? Quantum hoc, amabilissime Domine, dolorem debet mihi creare, quas lachrymas expellere? Utinam omnium illorum corda, & voluntatem in protestate mea haberem, ut possem istos, tuo amore inflammare! Ecce, Domine, saltē cogitatione mea purgatos ab omnibus peccatis, quales ego esse desidero, & tu facere potes, omnes illos puros & sanctos tibi offero, ad honorem & gloriam tuam. Quanta mihi felicitas eveniret, si possem ego supplere defectum ipsorum, prosequendo te a cibis illis amoris, quibus ipsi te prosequi deberent! & non solum ipsorum defectum, sed etiam pravorum Angelorum, & hominum damnatorum, qui pro amore & laudibus, execrabiliter contra te odio iraque fragrant, longe pejus, quam flaminis infernus. Sed quia, ne pro mea quidem parte amare ac laudare te satis possum, omnem:

&c

& meum, & aliorum defectum, desiderio saltem, quo possum, & quantum possum, suppleo.

V. Interea pro magna felicitate reputabo, quod sciam tuam divinam Majestatem, infinita sua voluntate, satisfacere pro omnibus, & omnes amandi patres explere: cum infinito amore amas te ipsum: Quare summopere gaudeo, & hunc amorem nunc tibi humiliter exhibeo, & pro me offero, in supplementum etiam omnium illorum, qui omittunt hoc facere. O! Deus, amor meus, totum, & unicum bonum meum. Amen.



Aetus & Affectus Virtuosi.

Ex Consideratione Attributorum Dei.

P R A E F A T I O .

Icet omnes excellentiae, & perfectiones divinae absolutae, prout in Deo sunt, neque inter se, neque a divina essentia, sint realiter distinctae, sed sint summum, absolutissimum, & simplicissimum esse: nihilominus quia noster intellectus est nimis hebes ad illas, ut in se sunt, intelligendas; ideo utitur varijs, & diversis conceptibus, atque distinctionibus, & conatur delibare aliquid il-

larum perfectionum : quas deinde solemus v-
care attributa divina, quæ nos tanquam ex cel-
lentias distinctas (licet unitissimas inter se) at-
tribuimus Deo. Quarum cognitio , quamvis
tam alta sit ac sublimis, ut major in mundo in-
veniri non possit : nihilominus tamen illis, qui
practicè illam possident , erit excellentissima
Regula ad acquirendas omnes virtutes , & bo-
na spiritualia: quia cognitio Dei, & imitatio vir-
tutū ejus, est nostra perfectio : sicuti contrā i-
gnorantia Dei, est fons omnis peccati & miseria-
rū. *Nosse enim te consummata justitia est.* & *scira*
justitiæ & virtutē tuam; radix est immortalitatis,
dicitur Sapientiæ cap. 15. Quare ad similitudinem
aliorum actuum virtuosorum, hoc libello con-
tentorum , volui paucos quosdam etiam ex at-
tributis divinis excerpere, ut devotus Christia-
nus ex hac parvâ luce , quæ ipsi datur , possit
peruenire ad dictam notitiam & perfectionem
vitæ ; cum spe tandem consequendi comple-
tam , & consummatam justitiam ; quæ est
fructus ipsius Dei in vita æterna.

Essentia DEI.

Hec est vita æterna, ut cognoscant te
solum Deum verum, & quem mi-
sisti, JESVM Christum, Ioan. 17.

Domine mi , tu es simplicissima Esse-
tia , & ideo in omni genere perfectio-
num absolute infinitus , nec quicquam
tibi

tibi potest addi , vel deesse. Incomprehensibilis es respectu omnium locorum , omnium temporum, omnium voluntatum, & omnium intelligentiarum. Quia tu excedis omnia loca, comprehendis omnes differentias temporum, transcendis omnes meatus , absorbes omnia corda hominum & Angelorum , & tu solus te ipsum dignè potes comprehendere , metiri , intelligere , & amare.

II. Es immensus, implendo , penetrando, eminendo super omnes res creatas & creandas : immobilis , indeterminatus , incircumspectus ; quia tu in infinitate omnes terminos, & spatia imaginaria infinitè transcendis. Eti-
deo naturā , operatione , cogitatione , affectibus es immutabilis; quia non cedit in te umbra vicissitudinis , mutabilitatis ; sed in eodem esse , & velle , semper es firmissimus.

III. Es æternus , absque principio & fi-
ne : amplectaris unico punto indivisibilis æ-
ternitatis omnem durationem & differentiam
temporum ; neque obis aliud tempus , quam
perfectissimum. Nunc illud, quod temporis
semper ex æquo respondet, tibi ipsi es adæqua-
ta & perfectissima mensura æternitatis.

IV. Quia igitur , ut firmiter credo , tam
grandis est, Domine mihi tua excellentia , nunc
toto meo corde, summa cum humilitate & re-
verentia, te adoro & veneror , & una cum spi-
ritibus Beatis & Justis , te confiteor esse , qui es;
& coram te humili prostratus reverenter me in-

clino , & profundissima humilitate submitto ;
 & quia dignus es omni amore , te in æternum
 amabo, integro , & sincero amore. Et præte-
 rea pro gloriâ tuâ desidero, ut omnes creaturæ
 in æternum , te ament , agnoscant , revereant-
 tur , honorent & laudent ; ideoque offero tibi
 meam vitam, vires, facultates, & quidquid ha-
 beo , vel possum habere.

V. Insuper gaudeo & exhilaror , quoties
 cogito , te esse tam magnum Dominum , insi-
 nitum , incomprehensibilem , immensum , im-
 mutabilem , æternum , & in te inveniri omnes
 perfectiones prædictas.

VI. Congratulor tibi intimo affectu cor-
 dis tuam tantam Majestatem, gloriam & bea-
 titudinem , quam possides ; & æternum pos-
 sessurus es : ideo convoco omnes creaturas, ut
 mihi congratulentur dicendo: *Benedicte omnia
 opera Domini Domino , laudate & superexaltate
 eum in secula : &c.*

VII. Duplici superabundo consolatione,
 & jubilo , cùm spero & considero istud ipsum
 tuum bonum futurum aliquando meum; quia
 illud mihi promisisti, promeruisti, præparasti,
 largitus es per Christum Filium tuum unige-
 nitum , & Redemptorem meum ; quo itidem
 tecum in æternum fruar, modò fidelis in amo-
 re tuo permaneam. *Satiabor cum appar-
 ruerit gloria tua.*

Potentia.

Apud Deum omnia possibilia sunt.

Matth. 19.

I.

O Deus meus Omnipotens , tu es illa Potentia , quæ omnia , quæcunque vult , potest ; & quæ nullam omnino infirmatatem admittit , neque unquam fatigatur operando : omnia ex nihilo producit , eadem facilitate ad nihilum itidem omnia reductura , si velit ; nec quidquam illi resistere potest , sed omnia ipsi obediunt. O adoranda , tremenda , & religioso silentio veneranda Omnipotentia ! Tu Rex sacerdorum , per te ipsum omnia potes ; à te instituta est , & dependet omnis potentia , omnis fortitudo , & energia omnium rerum . Tu , inquam , omnia ex nihilo creasti , & sustentaculo tui influxus eadem conservas ; & manu tuæ Omnipotentiæ tenes illa quasi suspensa , ne recidant in nihilum suum. Tu Domine , per te ipsum potes dare , & agere non solum omne illud quod omnes homines , una cum SS. Angelis animo concipere possunt ; sed etiam omne illud , quod infinita tua sapientia cogitare potest ; cùm Omnipotentia tua sit æqualis sapientiæ tuæ , & æqualiter se extendat & diffundat ; quia hæc sola est regula , & mensura illius. Quam enim aliam habeat mensuram immensa Potentia , nisi ipsam immensi-

?

C 3

II. Com-

II. Complaceo mihi , & gaudeo , Domine , de tanta tua Majestate : in cuius consideratione , rogo te , velis imprimere animæ meæ profundissimam reverentiam & humilitatem erga divinam tuam Majestatem . Placet mihi etiam , quod disponas , & statuas de me , & omnibus creaturis , secundum tuum beneplacitum : quia nemo potest tibi dicere . quare sic facit : omnia tua sunt , & opera manuum tuarum .

III. Fac Domine , ut cogitem semper hanc veritatem , te mihi præsentem esse , & manu tuæ omnipotentiæ mihi minitari fulmen æternæ damnationis , & ita te nunquam offendam . Da insuper fiduciam , & securitatem cordi meo erga te , ne ullum præter te timeam , & ne creatura uila possit me separare ab amore tuo : nam quid sunt omnes aliae creaturæ in conspectu tuo ? vel quid mihi mali , sine tua permissione , possunt inferre ? quod si ramen ab aliqua permittas me affligi , hoc ipsis Domine mihi cedit in meam salutem , & mihi cooperatur ad acquirendam vitam æternam . Et ideo omnem meam fiduciam pono , & repositam volo in te , potentissime Deus , ac Domine , Amen .

Sapientia.

A Deo profecta est Sapientia. Eccl. 15.

I.

O Sapientissime Deus , tu es , illa Sapientia ,
qua-

quæ comprehendit omne , quod potest exco-
gitari : ignorantia in te nullum habet locum :
omnes res scis, nee potes errare : quia perfectissi-
mè , omnes res præsentes, præteritæ , futuræ,
omnes possibles, imaginabiles ; omnia , quæ
sunt , & quæ non sunt , tibi Deus meus , sunt
præsentia , & in sancto tuo conspectu posita.

II Tu es primarium signaculum omni-
um rerum : tu omnia tuâ puritate , & subtili-
tate penetras , & omnia pariter intimè dispo-
nis in omnibus. Et licet attingas , & penetres à
fine usque ad finem . & à summo usque ad ex-
tremum ; nihilominus nulli rei te immisces ;
neque à lue quapiam coinquinaris ; sed semper
in tua pulchritudine , candore & , sinceritate
permanes.

III. Tu es auctor , & artifex ; tu exem-
plar , mensura , & finis omnium rerum , neque
solum architectus illarum , quæ sunt , & acce-
perunt suum esse , & speciem à te ipsis impres-
sam , visibiles , invisibiles ; sed etiam illarum ,
quæ non sunt , & omnipotentiâ tuâ fieri pos-
sunt , utique in infinitum longè plures ijs , quæ
factæ sunt.

IV. O Sapientia admirabilis ! hæc am-
pletebitur totam simul æternitatem , & intra se
totam immensitatem capit , totam ad se trahit
infinitatem , omnia in ipsa habent æternum es-
se , & æternam vitam ; caret principio & fine .
& per omnia est immutabilis.

V. Placet mihi Domine , gaudeo , &

congratulor tibi istam tuam profundissimam sapientiam , quâ scrutator es cordium. Siego vel parum hanc tuam sapientiam imminuere, vel obscurare possem , ne agnosceret malitiam meam, & scelera mea ; non facerem : imò potius vellem ipse destrui & annihilari , quâm ut vel unico punto tua sapientia minueretur; per quam etiam humiliter peto illuminari intellectum meum , ut perfectè cognoscere possim pulchritudinem virtutis , & turpitudinem vitiij ; ut hoc fugiam , illam autem persequar , & magis magisque diligam id , quod ad gloriam , & honorem tuum cedat sempiternum , Amen.

Bonitas.

*Bonus es tu Deus , & in bonitate tua
doce me justificationes tuas Psalm.*

118. v. 68.

I.

Domine , & Creator omnis boni , tu bonus es , non hoc vel illo modo , non in hoc vel illo genere bonitatis , sed absolute , sine principio & fine ; sine limitatione , siue modo , nisi eo quo sine mensura anticipas , & amplectaris omne bonum . Tu es ipsa plenitudo & universitas boni , cui omnes res , à suprema substantia creatâ , usque ad materiam nudam ac primam , debent omne suum bonum acceptum referre . Tu simplicissima essentia tuâ

tuā omnem excellentiam, omnem perfectiō-
nem, omnem beatitudinem, & omne bonum
possides; nec Bonitas tua, & perfectio ullum
habet limitem aut terminum; quia est prima-
ria, neque ab ullo dependet.

II. A te omnia dulcia trahunt suam dul-
cedinem; omnia pulchra suam pulchritudinē;
omnia lucida suum splendorem; omnia, quæ
vivunt suam vitam; omnia, quæ moventur,
suum vigorem; omnis intelligentia suam no-
titiā; omnia perfecta suam perfectionem;
omnia demum qualicunque modo bona, suam
bonitatem.

III. Tu magnus es sine quantitate, bo-
nus sine qualitate, infinitus sine numero, for-
mosus sine figura, æternus sine tempore, im-
mensus sine loco, diffusus sine extensione, per-
fectus sine multiplicitate, altissimus sine situ.

IV. Tu centrum universi, ad quod na-
turali pondere omnes res tendunt; in quo o-
mnia conquiescunt; à quo omnia sustentantur:
in te sunt illecebræ omnis amoris, consumatio
omnis desiderij, termin⁹ omnis motionis, satie-
tas omnis appetitūs. Quāta est hæc vis tuæ sū-
mæ Bonitatis, ad cuius parvi radij splendorem
tanto impetu currit omnis creatura! dum una-
quæque illarum appetit particulare suum bo-
num, & ad illud totis viribus contendit: quod
bonum nihil aliud est, quām parvum signum
tuæ bonitatis. Hoc omnem creaturam trahit;
hoc in mundo tantum motum excitat; omne

quod in quacunque creatura movetur, agitatur, operatur. Si levis umbra boni tanto impetu trahit, quantò magis trahet ipsa veritas? illa, inquam, pulchritudo & bonitas infinita, clare visa, quæ tu es, dulcissimum & summum bonum.

V. Trahe mentem meam ad te, ô immensa pulchritudo, astringe eam ad te, super omnes res creatas, vinculo indissolubili, & ligamento æterni amoris. Quid queram & desiderabo extra te, qui es plenitudo omnis boni; fons, finis, savitas, vis, medulla omnis boni? Valeant ergo aliæ res omnes: te semper cogitem, amem: ad te contendam, in te detinor; te laudem, benedicam; & omnes vires animæ meæ, & tota vita mea tibi serviant. Omnes res transitoriae, propter te viles, charæque sint: nulla alia ratione illas contemnam vel æstimem. Perfice me, secundum altissimum tuum beneplacitum, in cogitatione & amore tuo: commuta me totum in te ipsum, ut idem spiritus tecum siam, Amen.

Sanctitas.

Non est Sanctus, ut est Dominus, I.

Regum. 2.

I.

Domine, Deus meus tu diceris sanctus multis modis. 1. quia tua essentia est pri-

prima radix, & origo omnis sanctitatis ; & puritatis. 2. quia est Objectum , & mensura omnis sanctitatis uno verbo , tu es principium efficiens , formale , exemplate , & finale omnis splendoris sanctitatis , quæ in creaturis reperiatur. Et per te ipsum sanctus es ; per essentiam tuam ; nimirum sanctitate fundamentali , objectiva , & formalis. Tam perfecta est sanctitas tua , ut nihil quidquam ei possit addi , vel demiri ; quia est sanctitas essentialis , & universalis !

II. Gaudeo , & complaceo mihi de ista tua sanctitate , fonte essentiali omnis pulchritudinis & puritatis ; à qua omnes creaturæ intellectuales sanctificantur , & pulchritudinem istam accipiunt. Hanc sanctitatem proposuisti nobis imitandam , & non Potestatem , non Sapientiam , non Altitudinem Majestatis tuæ . cùm dixisti : *Sancti estote , quoniam ego sanctus sum. Levit. 11.* Non postulas tamen à nobis tantam , quantam requirit eminentia sanctitatis tuæ ; sed quantam cum gratia tua capere potest infirmitas nostræ naturæ .

III. Hanc tuam sanctitatem , & puritatem veneror , honoro , amo , & admiror Huic omnis reverentia , honor & amor debetur. Hæc præsentia suâ sanctificavit , & sanctificat totum mundum ; unde quocumque me verso , præsentem te conspicio , & ubique existentem te veneror , laudo , honoro , & benedico ; tanquam in sacro templo gloriae tuæ . Singulariter tamen modo animam meam , quæ multò ca-

pacior est mundo corporeo , ad similitudinem
Templi , cultui tuo sanctificasti , pro tua ha-
bitatione ; & ideo intrà me , in intimis animæ
meæ te habitantem aspicere valeo ; & in san-
cto silentio tecum ipso conversari possum , ibi
te placare obsequijs ; ibi te adorare , ibi
à te istam sanctitatem & puritatem petere : id
quod jam , Domine mi , toto corde , & viri-
bus animi mei cupio facere , & impetrare .

IV. Conabor etiam , Domine , & nunc
propono , totis viribus fugere omnes impuros ,
& inordinatos affectus , & omnes maculas a-
nimæ , quibus templum tuum violari , & pro-
fanari potest : quia , Domine , sine dubio , si-
c ut necessario magnopere amas tuam sanctita-
tem , ita necessario magnopere odisti peccatum
& sordes .

V. Tandem tibi , tanquam auctori , fi-
ni , regulæ , & exemplari omnis sanctitatis , à
qua , ad quam , & secundùm quam sanctifican-
tur omnes res , in cœlo & in terra , sit gloria ,
benedictio , gratiarum actio , ab omnibus crea-
turis in cœlo & in terra , Amen .

Benignitas.

Ipse Dominus benignus est , Luca 6.

I.

TU , mi Domine , bonus diceris ratione
perfectionis naturalis : ratione sanctita-
tis , & ratione beneficentiae ; quæ nomi-
nari

nari potest Benignitas ; & hæc nihil aliud est ,
quam quædam naturalis tua propensio , tua
bona communicandi cum rebus inferioribus , &
creatis , pro capacitate cujusque illarum . O
quam verè benignum te demonstras , Domine ,
quia cùm nullius indigeres , tibi que ipsi suffi-
cientissimus es , nihominus ex nihilo res o-
mnes creasti , & ex suæ nullitatis abysso edu-
xisti , dando eis essentiam , formam , pulchritu-
dinem , appetitum boni , fugam mali , vires , fun-
ctiones , impetum , motum , situm , modum ,
perfectionem , & terminum ; & cuique illa-
rum , quod ipsi commodum est . & amabile :
& hoc non ob tuam aliquam commoditatem ,
vel utilitatem ; sed ut ipsis bene esset , & pro
sua quæque capacitate participaret de tuis bo-
nis , gustarètque fructum tuæ benignitatis . Et
ideo omnes res te laudant , & tacitis vocibus
celebrant tuam benignitatem . Cœli enarrant
gloriam Dei , & opera manuum ejus annunciat
firmamentum , &c. Psal. 18.

II. Sed in genere nostro humano facile
omnium excellentissimè resplendet tua Beni-
gnitas . Tu ad imaginem , & similitudinem
tuam nos creasti , & charactere vultus tui nos
signasti : intellectum , memoriam , & volun-
tatem nobis dedisti , quibus participes efficimur
divinæ gloriæ , & beatitudinis tuæ ; divinisque
auxilijs & ornamenti nos firmasti , ut merere-
mur , & consequeremur tam præstantia bona .
Angelos etiam nobis custodes , & rectores as-

signâsti ; tandem totum mundum creâsti , & plurimis bonis instructum pro habitatione & solatio nobis donâsti . Quid majus his beneficij ? & quid mirabilius excogitari potest , hâc tua benignitate ? maximè cùm hæc omnia feceris , ut hâc ratione nos perduceres ad sedes cœlestes , participésque nos faceres tuæ beatitudinis .

Ergo totis viribus , & totâ meâ essentiâ gratias tibi ago , & innumerabiles gratiarum actiones refero tibi , Domine pio tam insigni benignitate , & omnes creaturas invito ad re laudandum , & benedicendum : Benedicite omnia opera Domini Domino ; laudate , & superexaltate eum in secula , &c.

III Gaudeo , Domine , te tam benignum esse , & temetipsum dare , & descendere ad res infimas ; curare infirmos ; adducere abjectos , & exaltare humiles ; & ubi major est paupertas , ibi te liberalius effundere tuas opes , & largiri auxilia : quod proprium est veræ Benignitatis . Doleo , & pœnitet me , non imitatum fuisse istam tuam benignitatem ; quia fui sœvus , atrox , impius erga proximum meum ; nec usus fui bonis fortunæ , & animi , in auxilium proximi ; sed multoties contrarium feci . Ideo nunc toto corde humillimè à te veniam , peto , & propono , te adjuvante , me emendare , & esse benignus , svas , & amabilis erga omnes , ad imitationem divinæ tuæ Majestatis .

Quia ab ista tua benignitate proxime ,
&

& immediatè provenit amor tuus, & diffunditur in omnes creatureas, quo communicare vis cum illis bona tua. Quare obsecro, velis igne isto accendere cor meum, ut siam benignus, & charitate plenus, Amen.

Providentia.

*Ecce Domine, tu cognovisti omnia no-
vissima, & antiqua, Psal. 138.*

I.

Providentia tua, Domine, gubernat omnia, à summo cœlo usque ad infimas partes terræ; à supremo spiritu, usque ad ultimum vermiculum. Hæc ab æterno omnes res cogitavit, concepit, distinxit, ordinavit: sine lege istius nihil omnino nascitur, nihil moritur, nihil operatur, movetur, quiescit. Hinc omnia, quæ carent ratione, tantâ cum ratione operantur, & tam ordinatè tendunt ad suum finem, homine excepto, qui dotatus libero arbitrio, ipsomet abutens, longissimè sæpe recedit ab ordine, divinæ, & particula-ris tuæ Providentiæ, proponendo sibi alios fines, contrarios illis, quos illa ipsi constituit. Neque ideo tamen ab universali tua providen-
tia se subdubere potest; cùm incidat in justas poenas, propositas peccato, & peccatoribus: quò sit, ut etiam in improbis elucescat opera-
tio divinæ tuæ providentiæ.

II. Vx

II. Væ mihi , qui toties quæsivi subducere me à paterna tua providentia , & vivere volui secundùm imprudens meum judicium ; & ideo dum volui me alienare à divina tua providentia , quæ me ducebat ad vitam ; incidi in millenos errores , & peccata ; & incurri justissimas pœnas , decretas ab ordine providentiae tuæ misericordie peccatoribus , ad gloriam infinitæ tuæ justitiae , quam , dum stolidè me proripiebam à Benignitate , & Misericordia tua , vel invitus incurrebam ; & , ô me miserum ! thesaurizabam mihi pœnas justitiae : & dum subtrahere me volebam svavi jugo divinorum tuorum præceptorum , submittebam me durissimæ servituti dæmoniorum : & dum spernebam æterna præmia , promerebar æterna supplicia .

O stultitia sanguineis lachrymis deplorandæ ! pœnitet ; ah toto corde me pœnitet ; humillimèque à te veniam , peto .

III. Obscero te , Domine per omnia mirabilia dulcissimæ providentiae tuæ , velis à me auferre hanc stultitiam , & dare gratiam , quâ semper ante oculos habeam hanc tuam providentiam ; ut quidquid prosperi vel adversi acciderit mihi , ab ipsa mihi provenire intelligam , ac de manu tua pro magno beneficio accipiam . Hæc mea sit in adversis prima consolatio : Hæc in terroribus ingeneret mihi fiduciam , in periculis securitatem , in adversis tolerantiam , animi quietem in expectatione futurorum . Hæc auferat à me omnem sollicitudinem .

tudinem, ut à sola benignitate providentiae tuæ securus dependeam. Hæc dirigat omnes res meas, illásque gubernet usque ad finem, prout novit expedire ad gloriam tuam, & meam salutem. Quibusunque medijs uti voluerit, prosperis, an adversis; honore, an ignominiâ; infamiâ, an bonâ famâ; abundantiâ, an penuriâ; infirmitate, an sanitate; vitâ, an morte; nihil recuso, nihil repudio: quidquid elegerit ipsa, & consultissimum judico, & exoscular.

Hoc unicum & antiquissimum meum desiderium & cogitatio est, voloque, ut semper sit, facere, loqui, cogitare, mi Domine, sicut tu judicas utile esse ad salutem meam, & gloriam tuam: ut in omni æternitate te contempler, admirer, amem, honorem, laudem, benedicam, in omnibus rebus, & super omnes res, Amen.

Misericordia.

Misericordia Domini plena est terra.

Psalm. 32.

I.

Misericordissime Domine, tu illa immensa Misericordia es, quæ excedit infinitè omnem miseriæ, & malitiam nostram, 1. enim tu eduxisti me ex nihili tenebris, & dedisti mihi vitam, & nobilem natu-

ram,

ram, factam ad imaginem tuam, & maximis ornamentis repletam intelligentiae, judicij rationalis, memorie, voluntatis. 2. à statu naturae, elevasti me ad statum gratiae, faciendo me filium tuum. 3. à primis duobus statibus, alium nobilissimum adjunxisti; nimisrum statum gloriae: nam multo perfectiora, & excellentiora sunt dona gloriae, quam gratiae. Ad huc gradum immensa tua bonitas, & misericordia me destinavit.

Quare, ô anima mea, si obtinuisti secundum gradum, satage, ut evadas etiam ad hunc tertium; præsertim, quia habes tot adipicula ad consequendam tam magnam felicitatem; ut sunt sanctissima Sacra menta, reliqua, & acquisita nobis à Christo Iesu, Domino nostro; qui nobis etiam, pro complemento beneficiorum, reliquit sanctissimum Sacramentum sui pretiosi corporis & sanguinis.

II. Ah Domine, illumina cor meum, ut possim cognoscere immensam tuam misericordiam, cognitamque magni faciam, & habeam semper ante oculos, pro regula; donec ex hac misera vita: & ut anima mea obstricta tantâ benevolentia, & tam exquisitis beneficijs, correspondeat toto corde, te amando, se dedicando, & obstringendo se sancto tuo servitio.

Tibi serviam, Deus meus, totâ vitâ meâ, nihil aliud cogitem, quam facere, quod sit ad gloriam tuam, & ad eandem tanquam ad scopum misericordissimum omnes meæ actiones,

vires, ac talenta dirigantur. Aliud vires meæ nō intendant, spectent, querant, quām facere sanctam tuam voluntatem; & ut saltēm aliquā in re corresponeam infinito tuo amori, quo me semper prosecutus fuisti, & ut tam magno benefactori non sim omnino ingratus.

III. Benedic anima mea Domino, & omnia, qua intrā me sunt, nomini sancto ejus. Benedic anima mea Domino, & noli obliuisci omnes retributiones ejus. Qui propitiatur omnibus iniqüitatibus tuis: qui sanat omnes infirmitates tuas: qui redimit de interitu vitam tuam: qui coronat te in misericordia & miserationibus. Qui replet in bonis desiderium tuum, & sic renovabitur, ut aquila, juventus tua.

Benedicite mecum simul Domino omnes Angeli, & Archangeli; & vos omnes Virtutes & Dominationes, omnes Throni, Cherubini, & Seraphini; benedicte, inquam, & laudate, & iterum sine fine laudate communem Dominum nostrum, quia fecit nobiscum, non secundūm iniqüitates nostras, sed secundūm magnam suam paternam misericordiam. Laudate illum Cœli, Terra, Mare, & omnia, quæ in eis sunt: Laudent & superexaltent eum in sœcula. Deatur ergo Deo gloria ab omni creatura; benedicat, & gratias agat Domino, omnis creatura in omni loco Dominationis ejus: & hoc fiat in sœcula sœculorum?

Amen.

Iustitia.

Iustitia plena est dexteratua. Quis novit potestatem irae tue, aut præ timore tuo iram tuam dinumerare? Psal. 89.

I.

Nullus Domine, dignè potest exprimere magnitudinem, & multitudinem suppliciorum, quæ peccatoribus præparasti; & assignasti olim perferenda, per Omnipotentiā tuam: Sicut misericordia tua est infinita, ita infinita est justitia tua; quæ infinitis modis, non solum in futuro sæculo, sed etiam in isto, quod proprium est misericordiæ, contra peccatores manifestabitur: ut omnes discant te timere, & qui benignitate tuâ non moventur, saltèm tuâ severitate moveantur; quæ non sinet malum ullum imputatum, neque bonum ullum irremoneratum abire: quia apud te non est acceptio personarum, cùm sis justissimus judex.

II. Delectat me, Domine, placéterque mihi hæc tua justitia, quâ si vel tantillum possem te privare, ne posses punire peccata mea, non facerem: imò protestor, si malitiâ meâ, duritiâ & obstinatione nollem venire ad pœnitentiam; atque adeò sic induratus, impœnitens, despetatus mori vellem (quod utiuam, Domine, nunquam, in Eternum, permittas) hæc horâ protestor, & volo, ut justitia tua locum habeat, mittâque me ad æterna supplicia: ut quia voluntariâ

Iuntrariā, & salutiferā pœnitentiā nolui glorificare misericordiam tuam , saltēm in tormentis glorificem justitiam tuam.

III. Sed , ô mi dulcissime Domine, dum ago hanc vitam , possum te per gratiam tuam provocare à tribunali justitiæ tuæ , ad tribunal misericordiæ: & ideo hâc horâ, pro semper magna fiducia, Domine, toto corde , totâ anima, totis viribus misericordiam tuam appello, têq; obsecro per JESUM Christum Filium tuum, ve- lis mihi ignoscere , ne subeam tribunal justitiæ tuæ. Sanctè promitto, im posterum cum divino tuo auxilio, emendare vitam meam, & vivere, ut decet servum bonum ; ut per veram pœnitentiam , svaviùs & dulciùs tua misericordia glorificetur , Amen.

Finis Ultimus.

*Ego sum & Cōs̄o, principium, & finis,
dicit Dominus Deus. Apocal. I.*

I..

Quemadmodum tu, Domine mihi es prima, & suprema causa efficiens rerum omnium; ita pariter es ultimus finis earundem, ac præcipue creaturæ rationalis. Et ideo debo longè recedere animo à creaturis, nullamque in eis spem collocare, quia permultū me impediunt ; ne possim pervenire ad felicem, & ultimum meum finem , propter quem me creasti ; qui est tu verum, unicum, & maximum meum bonum.

Unde

Unde nihil mihi magis cordi esse debet,
quām ut conjungar tibi visione, amore, gaudio;
in qua unione consistit meum summum bonū,
& summa tua gloria. Quare ut stercora æstimo
omnes delectationes, & illecebras hujus vitæ,
in comparatione hujus maximi boni. Et ex hoc
momento temporis, dirigo omnes meas cogita-
tiones, opera, & desideria ad hunc finem; neque
fatigabor, aut desistam, donec ad eundem per-
veniam.

II. Sed quia ex me ipso non sum aptus ad
tam magnum bonum; ad te, ô misericordissime
Deus, recurro; ut per immensam bonitatē, qua-
creasti mundum, & factus es homo, & postea
proptet nos mortuus; pérq; alia infinita bene-
ficia mihi præstata, & per æternum beneplaci-
tum tuum, quod me prædestinasti ad tam sub-
lime fastigium gloriæ; nolis desistere esse meus
benefactor: quamvis ego sum ingratissimus, &
negligentissimus, dum tempus habeo vacandi
bonis operibus; sed hoc ipsum potius tuam be-
nignitatem incitet, ut tantò magis me adjuves,
ac protegas, quanto ego sum infirmior. Recor-
dare obsecro, finis ad quem ab æterno me de-
stinasti, ne iritum sit in me, sanctissimum con-
silium, ac desiderium tuum; illumina mentem
meam lumine sancti tui Spiritus, quo directore
possim perfectè cognoscere vanitatem hujus
mundi, & pericula, quæ in ipso inveniuntur, &
ex altera parte intelligam quoque magnitudi-
nem, excellentiam, suavitatem bonorum im-
meorum,

mensorum, quæ mihi in te ipso præparasti, pro
quibus toto corde tibi gratias ago, & omni
vanitati lubens renuncio.

III. Fac, mi Domine, ut mens mea aliud.
non cogitet, neque aliud intellectui meo firmi-
ter imprimatur, quam hic ultimus finis: ut spre-
tis per omnia omnibus caducis & temporalib⁹,
me protinus elevem ad amandas res æternas, &
hunc felicem & ultimum meum finem. Nun-
quam defatigentur mea bona desideria, nec su-
spiria, nec gemitus propter illam felicem Patriā,
neque ego unquam cestem pugnare contra me
ipsum, quemadmodum etiam nunc propono
facere, donec perveniam ad terminum hujus
vitæ, quando omnes sancti requiescent in te
summo bono, & fine nostro, per visionem, & a-
morem, & ineffabilem consolationem, cum
pervenerint ad consummationem adimpletæ
sua intentionis, ac desiderij tam optati & ex-
pectati, nimirum ultimi finis, & summi boni,
pro quo tam heroicè decertaverunt, usque ad
gloriosissimam victoriam, Amen,

Conclusio Amorosi pacti cum Deo.


Tandem, dulcissime mi Domine, quia cog-
nosco te esse unicum meum bonū, ultimam
meam felicitatem, & beatitudinem, nullo
pacto debo me à te separare, sed ser per tecum esse
unitus, & conjunctus. Quare desidero, & operam
dabo: ne momentum ullum temporis prætereat,
quo

72 *Conclusio Amorosi pacti cum Deo.*

quo non confirmem ea , quæ superius annotavi , & constitui . Et ut hoc assequi possim , cupio nunc , quæ possum reverentia & humilitate , cum tua di- vina Majestate inire pactum , & perpetuo fædere sancire , ut quemadmodum quoad vixero nunquam cessabo respirare , ità nunquam cessem in te crede- re , te amare , te laudare , gratias tibi agere , me offerre , me tibi resignare , in te sperare , gaudere , & abhor- rere à mundo , velut à peste , habere zelum hono- ris tui , & salutis animarum , te timere , me humiliare , pœnitentiam agere , sancta proponere , & a- mare proximum meum . Diligere quoque castitatem , paupertatem , obedientiam ; & petere à te , quæ suprà petivi . Præterea te cognoscere , adorare , & te Deum Infinitum , Immensum , Immutabili- em , Æternum , Omnipotentem , Sapientem , Ro- num , Sanctum , Benignum , Providum , Misericordem , Justum , & Ultimum nostrum Finem , confiteri . Et ideo nunc , omni humilitate , coram divina tua Majestate , & tota curia cœlesti prote- stor , quòd cupiam toto corde , totâ illâ virtute , puritate intentionis , & efficaciâ , quæ maximâ pos- sum , omnia ista observare , quæ suprà notavî , & dixi , quoties respiravero ; & quoties aliquo actu , qui tibi placuerit , me ad te convertam . Accipe Do- mine illum nunc , & pro illo , & pro omni tempo- re . Atque hoc animi mei desiderium ratum , con- firmatumque sit , gratiosissimo beneplacito tuo in æternum , Amen .

F I N I S
Affectuum Blasij Palmæ.

6(73)60



AFFECTUS

erga Personam

DOMINI JESU,

Ex R. PATRIS

FRANCSICI BOURGOINEI

Presbyteri Congregationis Oratorij

Meditat: Classe IV.

Prima Praxis

Adorationis, erga D. IESVM.

I.

IN honorem & unionem dignissimi, & divinissimi primi illius Actus Adorationis, quem anima Jesu è nihilo creata, & unita Divinitati, erga Deum, & ipsam divitatem exercuit, in primo suæ creationis, & jam factæ incarnationis instanti.

2. In honorem, & unionem status ejusdem animæ perpetuò Deum adorantis, modo ineffabili, in vita mortali, & in æternitate sua.

3. In honorem, & unionem primi actus adorationis excellentissimi, quem MARIA, mater DEI exercuit, erga Dominum Iesum tum proximè post ejus incarnationem, tum post Nativitatem in præsensi.

D

4. In

4. In honorem perpetui affectus, & statutus adorationis sanctissimæ Virginis, erga JESUM Filium suum, præsertim in ejus infantia, quando illum lactabat, tractabat, & intuebatur.

5. In recollectionem, & unionem primæ adorationis Angelorum, erga JESUM infantem, in momento suæ Nativitatis, juxta Dei mandatum: *Cum iterum introducit primo-genitum in orbem terrarum, dicit: Et adorem eum omnes Angeli Dei.* Hebr. I.

6. In recollectionem, & unionem omnium adorationum, quæ Domino Iesu super terram exhibitæ fuerunt, ut à Magis, à carceno, & alijs.

7. Denique, in honorem, & unionem perpetui cultus adorationis Angelorum, & Beatorum in cœlis erga JESUM, hominem Deum, & ejus humanitatem.

Prima Fiat praxis adorationis erga Dominum nostrum JESUM Christum, secundum primum statum, in sinu Patris, ab æterno residentem. 1. illum agnoscendo verum Deum de Deo vero, Patri consubstantialem, ejusdem Majestatis & gloriae, ac rerum omnium Dominum. 2. nos tanquam creaturas, & servos, illi ex toto affectu submittendo 3. illam submissionem omnibus modis, ac præsertim per humillimam nostræ servitutis oblationem protestando.

Secunda Adoratio fiat Domino Iesu in secundo statu considerato. 1. illum confiten-

do, & agnoscendo verum, & unum cum Pater Deum, (humanæ naturæ unitum) & cum illo Spiritum sanctum producentem. 2. ipsam humanitatem, quatenus in Verbo subsistit, infinita dignitatis, & sanctitatis, & divino cultu honorandam, intuendo. 3. ipsum hominem Deum, ex humanitate & Verbo admirable compositum, Jesum Christum, Mediatorem Dei & hominum; tamquam nostri cultus & adorationis objectum. Sub hoc triplici intuitu nos illi totos subjiciendo, & nostram erga ipsum, ejusque sanctissimam humanitatem, quibus debemus, & possumus modis, infimam servitutem protestando.

Tertia Fiat praxis adorationis erga Dominum JESUM, in tertio, & spirituali, erga animas statu, consideratum. 1. illius supremum in omnes animas, & spiritus, tam in cœlis, quam in terra, & apud inferos, imperium & potestatem agnoscendo. 2. nos totaliter ejus S. Spiritus, leviter & fortiter operantis, potestati committendo, & subjiciendo 3. hanc sumissionem omnibus modis interius, exteriusque protestando.

Secunda Praxis, Honoris, Estimationis, & Rever- entiae.

I.

IN honorem, & unionem summæ reverentia.

D 2

tix,

tiæ, quam & primum ab instanti incarnationis, & deinceps perpetuò in vita mortali, & æternum in cœlis anima Jesu exhibuit, & exhibet Divinitati, sibi intimè, & hypostaticè præsenti.

2. In honorem, & unionem omnium actuum, & status continui humillimæ Reverentia; quam Virgo Deipara Filio Dei, Filio suo, homini Deo, & ejus humanitati exhibuit in terris, & quâ æternum in cœlis illum intueretur & reveretur.

3. In honorem, & unionem intimæ estimationis, honoris, & reverentia; quâ dilecta mulùm, & multum diligens Magdalena, stans aut sedens secus pedes Jesu, aut juxta crucem, aut ad monumentum, aut in solitudine, suum Magistrum & Dominum, sicut illum vocabat, perpetuò coluit, & honoravit.

4. In recollectionem, & unionem omnium, tam Angelorum, quam hominum agentium in terris, & in cœlis beata illius præsentia perfruentium, qui illum cum profunda reverentia intuendo coluerunt, vel nunc facie ad faciem, ejus divinitatem reverenter, & tremente intuentur.

Prima Fiat praxis circa ipsum: Esse divino-humanum Jesu Christi, Domini nostri: ipsum maximi in apprehensione nostra æstimando: scilicet super cœlum, super terram, super Angelos & homines, super omnia creatæ, tam facta, quam possibilia; illudque quasi nobis

bis dictū audiendo. Joann. 4 O! Si scires donum
Dei, & quis est, &c. item illud Matth. 12.
Plus quām Ionas : plus quām salomon : plus
quām omnia, est hic.

2. Illam aestimationem protestando, &
testificando ; tum coram Deo, qui est inspec-
tor cordium, per affectus : tum coram Deo
& hominibus, prædicando, & debitum cul-
tum exhibendo. 3. Demum, magna animi sub-
missione reverendo; hoc est, nos corā Jesu hu-
miliando, secundūm proportionem distantiae
nostræ vilitatis & nihili, ad ipsius Majestatem,
& excellentiam comparati. O tu quis es, Do-
mine, & quis ego sum?

Secunda Fiat praxis reverentiae ijsdem a-
ctibus aestimando, honorando, & reverendo
omnem potestatem, excellentiam, & digni-
tatem infinitam, ac divinum Spiritum Domi-
ni Jesu agentem in ipso, & omnia in omni-
bus operantem.

Tertia Sit circa diversas operationes, cùm
divinitatis in humanitate, tum humanitatis
erga divinitatem ; tum denique ipsius animæ
Jesu tam interiores, quām exteriores erga nos :
per eosdem magnæ aestimationis, summi ho-
noris, & reverentiae actus, suprà positos : &
circa ista, hi in summa actus possunt elici ; at-
tentissimè intueri, magni aestimare, devotè
colere, humillimè subesse, affectuosè amare,
profundè se demittere, summè revereri, deni-
que apud omnes laudare, benedicere, & præ-

78 dicare Domini nostri IESU Christi Exaltationem & Majestatem.

*Tertia Praxis
Oblationis Vitæ nostræ
IESI*

I.

IN honorem, & unionem primæ oblationis animæ IESU, ab instanti incarnationis Deo Patri factæ.

2. In honorem, & unionem perpetui statutis exhibitionis totius humanitatis IESU, coram Deo Patre, per modum hostiæ & victimæ pro salute mundi, in vita sua mortali.

3. In honorem & unionem illius specialis & spontaneæ oblationis, quam Dominus IESUS fecit Deo Patri ad Passionem, & mortem crucis, in oratione, & agonia sua.

4. In honorem, & unionem primæ oblationis, & perpetuæ exhibitionis sui, sanctissimæ Virginis, erga JESUM Filium suum, & Deum suum.

5. In honorem, & unionem omnium interiorum actuum, & statuum oblationis, & consecrationis amantis Magdalenaæ, & aliorum, qui in terris Domino IESU adhæserunt, ac tandem omnium animarum sanctorum.

Fiat **Prima** oblatio vitæ nostræ naturalis, & omnium, quæ illam constituunt, aut ab illa dependent, ut corporis, animæ facultatum,

&

& sensuum, &c. Vitæ Domini Iesu passibili, & mortali. 1. illi sine reservatione vitam nostram exhibendo 2. Ei totaliter donando, & irrevocabili proposito nos consecrando. 3. respectum, & intuitum humillimæ dependentiæ vitæ nostræ, & laborum ejus, ab illa vita laboriosa Iesu, in nobis constituendo, aut potius postulando. 4. honorando intimo affectu omnes miseras, infirmitates, & indigentias, ad quas se Jesus Christus verus Deus, demittere voluit, eisque nostras, ejusdem generis, naturales modestias, & necessitates uniendo; ut ab illis à fœce eleventur, & in ipso sanctificentur, tum etiam alias casuales, quæ nobis inyitis accidunt.

Secunda Fiat oblatio vitæ nostræ spirituæ per gratiam, & omnium statuum, & dispositionum animæ, vitæ Domini Iesu divino humanæ illi magno affectu adhærendo. 2. ab illa influxum vitæ, & spiritum suscipiendo. 3. ab illa dependendo ut à vite palmites pendent. 4. se illi totaliter committendo: denique hos affectus, & dispositiones adhæsionis, dependentiæ, & participationis ab illa humiliter postulando.

Tertio Oblatio fiat æternitatis nostræ, & vitæ futuræ, vitæ Iesu Christi Domini N. gloriose. 1. illam intuendo, & honorando, tanquam exemplar, objectum, fontem, & causam æternæ nobis in cœlis glorie, quasi audiamus Iesum clamantem & dicentem: Matth. 6. Ecce, merces vestra copiosa: vel, Ego ero mer-

ces vestra magna nimis. 2. summo affectu cupiendo, & sperando, beatissimo tandem aspetto JESU Christi in cœlis perfri. 3. totam æternitatem nostram, ad illius gloriam, & voluntatem adimplendam purissimè referendo, & dedicando; ut non gloriam nostram, sed solius JESU Christi quæramus, & optemus in æternum. Hæc sit vita nostra æterna illum honorare, glorificare, revereri, & amare; non quia inde beati, & felices efficiemur; sed ut magis ipse gloriosus appareat: adeò ut si amor JESU esset apud inferos cum tormentis, infernus esset noster Paradisus; quem optare & præferre omnibus cœli delicijs, & sine amore JESU esse possent, deberemus.

Quarta Praxis.

Renovationis in proposito & Spiritu perfectionis Ecclesiastice.

I.

IN honorem, & unionem perfectissimæ, nunquam interruptæ, ac sine ulla renovatione continuæ præsentiaæ Spiritus animæ JESU ad divinitatem.

2. In honorem, & unionem attentionis, & applicationis, cùm in Actu, tum in statu permanenti voluntatis, intellectus, & omnium facultatum, ac totius animæ MARIÆ erga JESUM,

3. In

3. In honorem primi luminis , & infusionis gratiæ , quâ Jesus amantem discipulam Magdalenam , ab ipsa primùm ad se ; ab amore creaturarum , ad amorem sui ; à plurimis, ad unum necessarium convertit , & totam renovavit : in honorem quoque omnium Vitæ ejus instantium , quibus illam in novo gratiæ statu semper renovavit .

4. In honorem quoque primi instantis , quo Jesus Apostolum è Saulo in Paulum , è persecutore in prædicatorem mundi ; ex lupo in agnum commutavit ; & sic renovavit : ac tandem conversionis animarum , quas Jesus ad se traxit , & convertit ; omnium denique instantium , quibus animas pias , & sanctas novâ gratiâ adaugendo renovavit . sicut canebat Psaltes : *Renovabitur, sicut aquila, juventus mea.*

Sequatur Praxis triplex renovationis . *Pri-
ma* , quæ primam perfectionem Domini Iesu respiciat , & revereatur , circa propositum omnis perfectionis Ecclesiasticæ , quæ est Evangelica , acquirendæ . 1. Audiendo vocem Christi dicentis ; Matth . 5. *Estatе perfecti , sicut Pa-
ter vester perfectus еst :* Jesus est Dominus , & Magister noster , qui loquitur ; & nos ad initiationem Patris cœlestis , tamquam filios invitati . 2. Renovanda in affectu omnia pia desideria , cogitationes , proposita signa , & sèpius repetita , quæ unquam infudit divina bonitas , tendendi , & perveniendi ad perfectionem ,

quam Iesu ipse verbo & magis exemplo nos docuit. 3. Rogando Dominum Iesum, ut dignetur illa omnia in nobis renovare, excitare, & accendere; ac si hæc præsens hora esset nobis prima & ultima; denique & in centuplum adaugere.

Secunda Renovatio fiat circa statum, & Spiritum vocationis nostræ, intuendo alteram perfectionem Domini Iesu in omni plenitudine gratiarum. 1. hanc nostram vocationem concipiendo, tanquam fontem, è quo nobis fluunt omnes alia gratiæ, & statum illas in se continentem, & cui debeat in cœlis gloriæ status respondere. 2. illam proinde magni æstimo-
mando, & faciendo, ne cadat in nos illa expro-
bratio: *Pro nihilo habuerunt terram desiderabilem.* 3. illi fideliter & plenè cooperando, & se dignum exhibendo Christi Domini ministrum & servum. 4. Singulis diebus illius æstimationem, & desiderium renovando: petitâ scilicet pro defectibus conta illam admissis, veniâ, & accenso novo fervore, & proposito.

Tertia Renovatio fieri potest circa specialem internæ vocationis gratiam, & tractum interiorum sancti Spiritus in nobis, ad cultum & honorem divini status, & perfectionis Christi Iesu, ut est Homo-Deus. 1. Se illi totaliter, sine limitatione, aut reservatione offerendo, ad omnia ejus beneplacita, dicendo: *Domine quid me vis facere?* Act. 9. 2. discutiendo semel in die, quid in nobis sit, quod potissimum divi-

næ gratiæ influxum sistat , & impeditat : quis defectus , quæ adhæsio , & amoris proprij latebra : illud radicitus in affectu avellendo . Deinde quid illud sit , quod Deo à nobis magis requirat , & velit ; quid nostro agendi modo addi , quid detrahi , quid circa illum mutari , & emendari conveniat . 3. firmum concipiendo , & renovando propositum id peragendi , quod erit in se perfectius , & melius , Christo Domino gratius ; & ad ejus majorem gloriam tenderet .

Quinta Praxis , Unionis , solitudinis , & recollectionis in- ternæ ad unum necessarium .

I.

IN honorem hujus altissimæ veritatis Christi Domini : Ego & Pater unum sumus . Joann. 10.

2 In honorem tum unionis humanæ cum divina natura in hypostasi , tum ex consequenti omnium aliarum ineffabilium unionum amoris , gratiæ , & voluntatum utriusque naturæ .

3. In honorem omnium admirabilium unionum , & communicationum , quæ sunt nobis absconditæ , inter JESUM , & MARIAM .

4. In honorem , & unionem hujus Voti , & Orationis Domini Iesu ad Patrem : Pater , sint unum , sicut & nos unum sumus , sic in nobis unum sint , & sint consummati in unum .

5. In honorem unionis humanæ naturæ

in Christo cum divina ; quia nulla unquam in simile consortum creatura admittetur.

Sequatur triplex Praxis unionis nostræ, & recollectionis ad JESUM.

Prima, tanquam ad primum principium, & finem nostrum ultimum, & unicum ; quæ primam Christi Domini cum Patre unitatem adoret. 1. ad illum, & ad ejus gloriam, & voluntatem adimplendam, ac tu dirigendo omnia nostra dicta, facta, & cogitata ; deinde omnia nostra, tam interiora, quam exteriora, & nos ipsos. 3. illum in omnibus suscipiendis, & alijs, tanquam scopum intuendo, & ab ipso cuiuscunque rei, per vocationem capiendo primordia, 3. Renunciando amori proprio, & nostram intentionem, quantū fieri poterit purificando, ut pure, & sine admixtione terrenæ, aut propriæ fæcis, ad JESUM tendat.

Secunda Sit, quæ alteram subsistentiæ divinæ, in utraque Christi Domini natura, unitatem respiciat, solitudinis & recollectionis ad Dominum JESUM, tamquam ad *unum necessarium*. 1. illud sæpe affectu repetendo : *Vanitas vanitatum, præter amare IESVM, & illi soli servire* : & hoc nobis in vita, & æternitate est *unum illud necessarium*. 2. ut solebat S. Catharina Senensis, penetrale intimum cordis sui reserando Domino JESU, ibi solùm cum solo sæpius se reæligendo : ibi audiendo veritatem intus loquentem. 3. Martha aliquando partem relinquendo, hoc est, plurima, circa quæ

quæ erat occupata, & turbata; & in quiete Orationis partem optimam Mariæ eligendo, quæ est illud *unum necessarium*; hoc est, ut per veram animi sive voluntatis, aut exterioris applicationis sensum, simplicitatem, nova, inutilia, curiosa, superflua, aut quæ ad nos non pertinent, quæ officium nostrum, obedientia, vel charitas non præscribit, & de quibus Deo rationem redditui non sumus; illa, inquam, *plurima* omittamus, & *unum* eligamus: *uni* non solum intentione, sed cum majori recollectione, & unitate actionum applicemur. 4. ut in oratione cum Deo nos simplicitas geramus, atque humilius, non nostris fidendo conatibus; sed magis nos Deo totos committendo, & ab eo eleemosynam solum petendo.

Tertia Erit unionis, & adhæsionis cum Christo Domino in omnibus, quæ tertiae, quæ habet, & vult nobiscum habere, respondet unitati. 1. nostotos illi exhibendo, offerendo, & uniendo, tamquam membra capiti, animas animæ, corpora corpori, corda cordi, Spiritus Spiritui, desideria & omnes voluntates sanctissimæ voluntati, denique vitam vitæ Domini Iesu. 2. magis in particulari, vel quotidie assumendo aliquod punctum & mysterium Christi Domini, cui nos omnia nostra uniamus; vel ad singulas actiones, aut quæ occurunt toleranda, aliquid seligendo Domino Iesu conforme, cui illa dedicenus: ut in exercitijs humiliationis, spectando humiliationem aliquam e-

jus in particulari; in miserijs hujus viæ, easde, quas ipse sustinuit pro nobis, infirmitates honorando. 3, ista tria differunt, honorare, offerre, & unire: primum enim continet animi submissionem, cum testificatione internæ excellentiæ; quæ in Christo Domino elucet: secundum verò obsequium, quod ipsi aliquo facto, & opere exhibemus, ad illam testificandam; tertium verò est, nostras aliquo modo actiones Jesu Christi actionibus copulare, quo fiat, tum ut nostræ ab illis sanctificantur, elevantur, & quasi unguento ejus gratiæ perfundantur: tum ut nostræ esse desinant, & Christi esse incipient, ut paululum aquæ, in vini dulium injectæ, vim suam & naturam perdit, & in vinum transmutatur; non quodd naturali, & vitali modo non nostræ esse queant; sed quodd per hanc unionem fiant etiam supernaturales, & ad sublimiorem gradum sanctitatis eleventur: quâ ratione solius sint Christi, & non nostræ.

Sexta Praxis,

Humilitationis erga Christum Dominum, ex Professione nostræ indignitatis, ipsius supraemæ dignitati comparata.

IN honorem, & cultum humillimum divi-

nx, & infinitæ dignitatis Iesu Christi in divinitate sua, & in Majestate personæ æternæ; quâ infinitâ gloriâ, & obsequio dignus est: quod à scipso solo sibi condigne potest exhiberi.

2. In honorem supremæ, & infinitæ dignitatis, quæ naturæ humanæ in Verbo subsistenti, per unionem communicata fuit; quâ digna est Deum, supremo, & infinito cultu, atque ejus infinitati respondentem, colere, adorare, & glorificare.

3. In honorem, & reverentiam ejusdem dignitatis Christi erga nos, quâ dignus est, omnem gratiam nobis promereri, omnes animas creabiles sanctificare, omnia peccata possibilia delere, &c.

4. In honorem dignitatis Christi Domini, quâ ipse dignus est adorari, glorificari, & amari in æternum ab omni creatura.

Sequatur praxis humiliationis erga JESUM, seu triplex confessio nostræ vilitatis, & indignitatis.

Prima Sit nostræ pravitatis, abjectionis, humilitatis, nihili; & quod pejus est, indignitatis in natura, ipsi dignitati Christi Domini, ut Deus est, & ut homo Deus, ex adverso oppositæ, ex qua 1. sumus verè coram ipso nihil in omnibus; in anima, in corpore, in principio ortu, in progressu vitæ, & in fine; quia ex solo Dei concursu subsistimus. 2. a. Omnem Dei gratiam, aut beneficium, sumus impotentes, & ex nobis iaduissimi: hauc utramque agnoscit

Virgo

Virgo humillima: *Respexit Deus humilitatem,*
hoc est, abjectionem, nihil, & indignitatem
Ancilla sua. 3. ad omne malum sumus impo-
tentia potentes, capaces, & proni; & nisi Dei
nos perservaret misericordia, in omnia labi pos-
semus. *O Domine, tu quis es, et quis ego sum?*
ut identidem S. Franciscus repetebat.

Secunda Fiat confessio nostræ indignita-
tis ex peccatis contractæ, alteri dignitati Chri-
sti Domini, quâ ut Sanctus Sanctorum est, &
ex communicatione idiomatum, omni honore
dignus; ac 1. sumus ex nobis pauperes, & nihil
habentes, sumus indigentes omnium, & men-
dici, omnia à Christo Domino mendicatim
accipientes, similes sanè illi, qui incidit in la-
trones, qui despoliaverunt eum. *Luc. 10. 2.* Su-
mus ad omne bonum gratiæ, & meritorum æ-
ternæ vitæ, omnino ex nobis ipsis impotentes:
sine me, inquit Dominus, nihil potestis facere; &
Apostolus: *Non sumus sufficietes cogitare ali-
quid à nobis, quasi ex nobis.* 3. fateamur nostræ,
coram Christo Domino, indignitatem, ex ma-
litia voluntatis ac perversitate intellectus; ad
desiderandum, quod nobis conveniat; & ex i-
gnorantia in intellectu, ad illud sciendum, aut
intelligendum, quod gloriæ Dei, & saluti no-
stræ magis expedit: quæ duo sunt peccati ef-
fectus pestiferi.

Tertia Equatur ex ijs. 1. altera confessio
nostræ iudicitatis, quâ digni sumus, quos
Deus in massa perditionis relinquat, & omni-

gra-

gratiæ privet auxilio ; ob tot defectus, & abusus commissos ipsius divinæ gratiæ qui enim acceptum talentum non dat ad usuram, non solum indignus est, cui plura credantur; sed etiam meretur , ut ab illo , quod habet, auferatur. 2. intueamur, revereamur, & toto affectu diligamus hanc maximam Iesu Christi dignitatem, atque humanitatis ejus, quæ digna est omnia delere peccata , & omnes animas sanctificare. 3. ad illum tandem recurramus, tamquam omnes nostros defectus , & indignitates, suâ dignitate infinita supplementem : petamus proinde illi adhærere , & uniri, illam Deo Patri in supplementum efferre; ut sicut Jacob, hædinis pellibus operatus, Patris benedictionem obtinuit ; sic Christi Domini meritis , & dignitate nobis applicatâ , Dei misericordiam impetrare possimus.

Septima Praxis,

Amoris in Dominium IESVM.

Triplici sanctitati, & gratiæ Iesu Christi, triplex in illo respondet amor; *Primus* est divinus, æternus, infinitus, & Deus ipse; quo per communicationem idiomatum, homo Jesus Patrem amare dicitur: qui ex unione nascitur. *Secundus* est ex plenitudine gratiæ in Christo procedens, quo humanitas Iesu diligit Deum, plusquam Angeli , & homines in æternum, unde ait; *Diligo Patrem, & sicut mandatum dedit mihi Pater, sic facio.* *Ter-*

Tertius est respondens gratiæ capitïis, quod JESUS tamquam cuput nostrum nos amat. *Dilexit, & lavavit nos à peccatis nostris in sanguine suo.*

In honorem igitur hujus triplicis amoris JESU Christi, triplex in ipsum Praxis amoris exercetur.

Prima igitur praxis, sit amoris erga JESUM, in primo statu, sanctitate, & amore consideratum: ac 1. diligamus JESUM, quia ipse est in se infinito amore dignus; quia est ipsâ divinâ sanctitate sanctus; quia est æternâ bonitate bonus; cuius essentia est bonitas; & qui nobis, ut sic, est summum nostrum bonum; omnis Angelorum & hominum amoris Objectum in æternum. 2. diligamus JESUM, quia ipse non solum infinito amore dignus est, sed infinito amore amans, & diligens Patrem, hunc æternū amorem Filij in Patrem, profundè adoremus, & amemus. 3 diligamus JESUM, quia Pater *diligit Filium, & omnia dedit in manus ejus*, quia ipse infinito, & divino amore à Patre diligitur.

Secunda praxis amoris, sit erga JESUM, in secunda sanctitate, & plenitudine omnis gratiæ spectaturum. ac 1. diligamus JESUM, quia ipse dignus est in hoc statu, quia est admirabile amoris compositum; quia ex amore homo factus, & de Spiritu sancto (qui est amor Deus) conceptus est; quia est ejusdem S. Spiritus operationis (quæ est amoris) terminus; quia est objectum in se amoris dignissimum; quia ex plenitudine gratiæ, & thesauris sapientiæ Dei, ha-

bet

bet dignitatem, & bonitatem, super omne, quod est, vel esse potest. 2. diligamus JESUM, quia in hoc statu creato, Pater illum diligit; Spiritus sanctus diligit, tota Trinitas diligit; quia ipse ut homo, & in humanitate suâ, est dignissimum complacentiæ Patris objectum, de quo ait: *Hic est Filius meus dilectus, in quo mihi bene complacuit;* quia per illum solum possumus à Deo diligi, & complacere Patri. 3. diligamus JESUM, quia ipse per amorem gratiarum creatarum, diligit patrem amore perfectissimo, continuo, & nunquam à primo incarnationis momento, interrupto, vel in æternum interrumpendo; & cuius unicus actus, amore æterno, omnium Angelorum, & hominum, sit dignior, Deoque acceptior; quia denique hoc amore, humanitatis suæ, omnem amoris in creaturis defectum supplet. O JESU, super omnia diligende, super omnia Deum diligens, & super omnia dilecte, diligam te in omnibus, & super omnia, ut re, qui solus es dignum amoris & objectum, & præmium, omne desiderium superans, in æterna tandem felicitate consequamur.

Tertia praxis exerceatur erga JESUM Christum in tertio statu, per respectum ad nos: ac 1. diligamus JESUM; quia ipse est caput nostrum, nosque membra ejus; ipse est Pater, nos filii, ipse sponsus, nos ejus deliciae; ipse Dominus, nos servi, ipse Pastor, nos oves pascuae ejus; ipse Salvator, nos ejus sanguinis pretio magno redempti, 2. diligamus JESUM, quia prior dixit

lexit nos; quia cùm dilexisset, homo factus ab initio, in finem, & in mortem usque dilexit nos: quia ex amore nostri tot labores, & dolores, ac mortem acerbissimam sustinuit; quia ardenter desiderio, & siti salutem nostram concupivit; quia pro nobis singulis ita passus, ac si pro solis; quia nunquam in æternum nos amare cessabit. O quanto amore dignus tam antiquus tantus, & tam perseverans amator! 3. diligamus JESUM, quia ipse est Deus noster, homo noster, & unicuique dicit: *Omnia mea tua sunt,* quia cùm in forma Dei esset, æqualis Patri, propter nos homines, & propter nostram salutem, formam servi accepit, & homo factus est; quia suum corpus & sanguinem in Altaris Sacramento, cibum & potum animarum, præ nimio amore, reliquit; quia ipse innocens pro peccatoribus, justus pro iustis, sanctus, pro ingratissimis, in cruce mortuus est; quia applicatio ne meritorum suorum, per Spiritum sanctum & infusionem gratiæ suæ, sanctificat animas nostras; quia nos in cœlis glorificabit, & utrumque sensum beatificabit, & reficiet, oculum cordis in visione suæ divinitatis, & oculum corporis præsentia humanitatis suæ. Diligam te, ô Domine JESU, fortitudo mea, per incarnationem: firmamentum meum, per lacram Eucharistiam; refugium meum, per crucem, Liberator meus, per gratiam, & gloriam æternum. O Domine JESU Christe, qui dixisti: *Petite, & dabitur vobis, quarite, & invenietis, pulsate,*

*& aperietur vobis : quæsumus, da nobis petenti-
bus, divinissimi tui amoris affectum, ut te to-
to corde, ore & opere diligamus, & à tua nun-
quam laude cessemus. S. Augusti. in Psalm. 17.*

Octava Praxis,

Servitutis arga Dominum IESVM.

Primò, in honorem & adorationem for-
mæ Dei, quam Jesus habet in Patre, ut
Patri æqualis.

Secundo. In honorem filiationis ejus na-
turalis, quā ab æterno procedit à Patre, & ad
quam per unionem hypostaticam est elevata in
Christo natura humana.

Tertiò. In honorem & piam recollectio-
nem formæ servi, quam Jesus accipere vo-
luit, in similitudinem hominum factus, Phil. 2.

Quartò. In honorem omnium obsequio-
rum, & servitorum, quæ Jesus Christus, tam-
quam Patris servus, illi exhibuit.

Quintò. In honorem humilis, & servilis
Nativitatis, vitæ, ac præsertim mortis maximè
servilis, JESU Christi.

Sextò. In honorem, & unionem horum
affectuum, effectuum, & verborum Christi
Domini: *Filius hominis non venit ministrari,
sed ministrare. & Ego in medio vestrum sum
sicut, qui ministrat. & qui major & in vobis,
sicut sicut minor.*

Sequatur triplex professio nostræ serivi-
tutis, erga Christum Dominum. Pri-

*Prima Fiat ipsi Christo Domino, ut Deo,
ut Creatori, ut summo Domino, ac nos to-
tos, ac totaliter in esse Naturæ, corpus, ani-
mam, potentias, & quæcunque ab illis pen-
dunt, aut procedere possunt; hoc est, actiones,
ac passiones, &c. supremæ ipsius Majestati, di-
vinitati, imensitati, & infinitati offerendo, dedi-
cando, & consecrando, in servitutis illi jure sua
Maj: & nostræ parvitas, debitæ recognitione.
2. ut Creatori & Auctori nostro, nos illi^o crea-
turas; ac proinde naturaliter & essentialiter ser-
vos, omnibus, quibus possumus, & debemus
modis, illi devovendo. 3. Supremo ejus Do-
minio, Imperio, ac Omnipotentiæ, quam in
nos habet, ut creaturas, & servos suos, quâ potest
& animam, & corpus perdere in gehennam, &
nos in nihilum redigere: & nos illi in omni-
bus, & per omnia subjiciendo, ac submitten-
do.*

*Secunda Fiat per respectum ad ejus bonita-
tem, & misericordiam, in toto Esse, & statu
gratiæ. 1. illum, ut fontem omnis gratiæ reve-
rendo, & nos illi, ut auctori, & causæ omnis
nostræ sanctificationis, & salutis, exhibendo
servos humillimos. Nee enim aliud nomen est,
in quo oporteat nos salutos fieri. 2. illum jure re-
deptionis, in cruce factæ, Dominum nostro-
rum agnoscendo; qui nos suo pretioso sangui-
ne redemit; ac proinde illi, tamquâ servos em-
ptios, & francipia nos, vitam præsentem,
& futuram in æternitate, donando. 3. illum,*

ut glorificatorem in cœlis, & æternitatis obiectum, & copiosam mercedem, suscipiendo; ac nos illi, secundum esse, & statum æternæ gloriæ, quam speramus, pro nunc, & pro æternitate in servos devovendo.

Tertia Fiat oblatio per intuitum supremi, & superexcellentissimi statûs unionis hypostaticæ, ac 1. solemnem erga JESUM Christum, hoc titulo factam, servitutis professionem; quâ Sathanæ, & omnibus pompis ejus abrenuntiantes, nos Christo Domino adhæsuros protestati fuimus in Baptismo; & charætere servitutis indelebili signati fuimus, renovando; & ex toto corde eadē iterū protestando. 2. speciali donatione Jesu Christo Deo homini, ejus divinitate subsistenti, viventi, & inefabiliter operto; illiusque vitæ divinissimæ, & humanitati sacratissimæ totaliter donando, & æternum Anathéma consecrando. 3. petendo suppliciter, ut dignetur Jesus Christus, Dominus & Deus noster, nos in suos servos, & mancipia, suæque humanitatis sanctissimæ, acceptare; nos tales facere, quibus vult modis, quibus dignus est, atque debemus: & hujus servitutis perpetuæ, & irrevocabilis characterem novum, & indelebilem imprimere. O J E S U , sim servus tuus, sim hoc vinculo fortiter tibi devinctus. O J E S U fac me Regiam servitutem tuam omnibus Mundi Regnis & Imperijs antefere,

re,


96


Prais servitutis.
re , qui es Rex Regum, & Dominus Dominantium , cuius Regni non erit finis : qui es Deus,
& Finis noster, benedictus in sæcula.
Amen.

*Omnia ad majorem DE
Gloriæm.*

F I N I S.







Biblioteka Jagiellońska



stdr0021412

